

輝縣志

卷十
卷十二

卷十一
卷十三

第伍册


DS


793

H52H874

1835

V.5





輝縣志卷十

輝縣知縣黔筑周際華石藩纂修

循政志

名宦

續紀附

唐

曹懷節唐初任共城令辛怡諫撰百門陂銘稱為愷悌君子民之父母趙澄又謂共城第一令其必有足徵者

宋

李之才字挺之青州人天聖八年進士為人樸直坦率自信無少矯厲師河南穆修受易修之易受之种放放受之陳搏源流最遠圖書象數變通之妙秦漢以來鮮

有知者初爲獲嘉主簿權共城令有治行時邵雍隱居
苦學於蘇門百泉之上布裘蔬食躬爨以養父之才叩
門來訪勞苦之曰好學篤志果何似雍曰簡策之外未
有適也之才曰君非迹簡策者其如物理之學何他日
則又曰物理之學學矣不有性命之學乎雍再拜願受
業於是先示之以陸淳春秋意欲以春秋表儀五經旣
可語五經大旨則受易而終焉其後雍卒以易名世之才
器大世鮮識者棲遲久不調或惜之謂宜少貶以圖榮
進石延年獨曰時不足以容君曷不隱去乎再調孟州
司法叅軍友人尹洙以書薦於中書舍人葉道卿因石
延年致之曰孟州司法叅軍李之才年三十九能爲古

文章語直意遠不肆不窘固足以蹈及前輩非洙所敢
昂目而安於卑位無仕進意人罕知之其才又達世務
使少用於世必過人遠甚道卿薦之得改大理寺丞爲
緱氏令未行會延年與龍圖閣直學士吳遵路調兵河
東辟之才澤州簽署判官澤人劉義叟從受歷法在澤
轉殿中丞寶歷五年卒

〔元〕

蕭達遼人初從元征西夏餽餉有功授輝州達魯花
赤察民隱賑貧乏抑豪強剔吏蠹政平訟理民賴以安
至元間卒於官葬北王社

司仁字毅夫東原人至元間知輝州增飭學舍敦禮

師儒選秀民充弟子員復設鄉學以教之暇則督勸耕桑民獲富庶時稱賢守云

尙 文字質夫深澤人任輝州守時河朔大旱輝獨以禱得雨境內大稔懷孟民馬氏宋氏誣伏殺人積歲獄不能決提刑使者命文往讞推迹究情得獄吏羅織狀兩獄皆釋

夏文仲字彥明金鄉人至元間判輝州廉介有守門無私謁雞鳴視事日晡始退察弊政悉更張之約束吏胥訪求民隱修傳舍禁游惰謹巡防盡心民事雖元季搶攘而民賴稍安時稱賢有司焉

楊 禮字和卿滄之長蘆人延祐至治間知輝州事賦

性果達敏於從政公勤廉恪瘠已腴民豪宕不羈有燕趙義士風而能循守禮法政有成效以外艱去民思慕之

杜良字仲賢濮陽人天歷元年來知州事適寇侵鄰郡輝民驚擾良曰勿自亂我能庇爾俄聞寇潰闔境帖然又能察奸弊之吏時時杖決使不得逞政教大行因歲歉走泣中書省請粟以活人民甚懷之

明

李麟字天瑞山西長子縣舉人永樂中知縣事勤於政務察民疾苦重修雙溪橋復新縣治建鐘樓興廢舉墜嚴飭條約革吏胥侵漁之弊後代去民懷之不忍釋

光緒三十三年
卷一
三
脫舄以表遺愛

劉玉字咸栗江西萬安人宏治九年進士十年來知縣事公廉仁恕溫厚謙恭博學閎深才猷敏練力拯凋敝昕夕靡寧歲歉民飢當道未有處分亟發廩賑之爲教條以善民俗禁喪葬無用佛老令行俗易市絕鐃鼓之音增修學校重新百泉書院誨誘諄切諸生多底於成歷任六年賦均訟平民安盜息治行爲河南第一巡按李公疏薦於朝其大者謂公蠲稅糧重貞節興學校勸農桑招流亡躬儉素闢田里足倉廩云宏治十五年以績最徵爲山西道監察御史民思之爲肖像立生祠正德中以救言者落職起爲河南提學僉事歷陞刑部

右侍郎轉左侍郎隆慶元年贈刑部尚書諭祭葬諡端毅所著有執齋文集二十卷其言行見皇明名臣錄續集

國朝

紀國相字弼廷遼東開原衛人由貢生任輝縣令寬猛相濟吏畏民懷時當流寇破殘之後修理城隍招撫流散通商賈設義學以才能陞湖廣永州府知府順治五年投城僞總兵陳猶龍復糾叛合粵兵犯永城陷身殉一門盡節子宏謨請卹賜祭一壇贈太僕寺卿廕一子入監康熙五十九年祀名宦
佟國璽遼東撫順人由貢生順治七年任輝縣令崇學

光緒二十
卷一
校課農桑民貧不能開墾者給以牛種勸令復業邑遭
水患五閘衝決公親督修築水歸故道稻田之利復興
歷陞直隸保定府知府康熙三十六年祀名宦

續紀附

〔元〕

田良輔字君佐懷之夏邑人先任西臺御史至治二年
來知輝州事振肅紀綱才兼有守豪強屏跡小民得安
遠近以良吏稱

〔明〕

張錦字文繡山東朝城縣舉人天順四年任性梗直
強幹有力篤於愛民多忤上官現有德政碑立於縣治

大門內陞裕州知州

許琯字伯和南直歙縣人進士嘉靖二年任安靜持重寬猛不倚裁仰豪強撫存良弱開雲門河灌田數百頃奏免額外差徭銀千餘兩累經獎舉嘉靖五年以才堪治劇調臨海縣

范璫字從道山西蒲州舉人嘉靖五年任勤政愛民遇事立斷倜儻敢言創修邑志未成後令張天真成之張天真字秉元直隸藁城人進士嘉靖六年任約已裕人正身宰物心不苟察政惟寬平時大饑人將相食而境內攘竊斂跡上官以忠厚老誠民安事治稱之

敖宗慶字梅坡貴州思南人進士官叅議分守河北爲

輝建三石聞開稻田數百頃與霍公同祀泉上祠圮又祀於報德祠

侯郡字孟藩陝西鳳翔縣舉人嘉靖十七年任器宇清和德性恬雅重然諾慎取予志堅而節苦長於知人初下車適當歉歲極力賑卹之罷其徵役一以教養爲務方春給民籽種每分俸以周寒士抑強扶弱虛懷納善訟者至庭原情據法剖析無遺令諸生自爲文會不時察其勤惰持文就正者門不爲禁公餘卽爲評品因材啟迪始終不倦惻怛慈愛之意常溢於法令之外而庶事自集期月而政聲大著叠獎交薦無何世皇南幸郡守命攝汲以濟旁午百度允協亟蒙知遇駕旣至是

夕行宮災有旨逮府縣官以行逮者示威索賂公廉無以應且無一甘言媚辭比至行在命下止奪秩而公已卒矣訃聞輝人茫然若喪慈母男哭於衢婦哭於戶聲振原野太史何塘志其事甚悉今祀鳳翔忠義祠

郭淳山西高邑縣舉人嘉靖二十三年任簡默深沉安靜不擾創建閘渠首興水利百姓至今賴之

趙英南直亳州人嘉靖二十七年任輝縣典史廉以約已簡以臨民質直不欺親賢樂善上官多禮遇之

聶良杞字子實江西金谿縣人進士萬歷三年任輝令有學有守有爲其大者開墾六渠荒田種稻三百餘頃民至今享其利修復百泉書院以培文教謂

孔子不宜輕祀書院稽古定制立廟於庠序配享有體從祀有誼非若淫祠之可私創而擅增也今學宮祀

先師矣而書院復設

聖像上丁祭於學宮矣而下丁又瀆祭於書院且十賢於夫子非可聚首於一堂而柳城與肥鄉豈宜僭處乎文廟乃請於督學郡守從所議將文廟仍改爲先賢祠重修書院志鼓舞振興士風大振祀金谿縣鄉賢

段然字幻然湖廣江夏人乙未進士萬歷三十年任

端方有執寬嚴得體豪右無不斂手實心實政地方賴之萬歷三十一年黃河泛濫失其故道首薦公董其事公單騎詣其所獻梅花椿論於是河工果告竣焉不獨

爲輝節省數萬金卽鄰邑皆陰受公之賜不淺也陞南京兵部主事擢戶科給事中祀百泉報德祠

陳必謙字汝遜江南常熟人癸丑進士萬歷四十五年任釐奸剔弊丰采儼然人不敢干以私善政多端難以枚舉擢南京江西道御史

張克儉字禹型山西長治人以名進士於崇禎四年宰輝經文緯武治畧獨優六年春賊犯輝縣公築石城招義勇乘垣固守賊不能下屯百泉書院三日而去遷兵部主事召對稱旨擢湖廣僉事監鄖襄諸軍楊嗣昌鎮襄陽深倚仗之及入蜀委公以留後錄破賊功加右參議監軍如故再擢右僉都御史巡撫河南未聞命賊入

襄陽公爲所執大罵死之見明史及德政遺愛二碑創
建石城諸記

高 第河南閩鄉人歲貢天啟七年司訓於輝陞山西
高平縣教諭居官清正持身忠孝崇禎八年流寇犯境
城破義不受辱罵賊死其子齊崗亦死

國朝

秦長春字伯晦浙江山陰縣 恩貢順治十五年任居
官清正政持大體心存長厚邑艱克舉民隱必恤如蠲
荒除驛移貢院修城垣集流亡皆公之實錄云

范 輝字射墟河南祥符人丙戌舉人順治十六年任
教諭事秉性潔清英姿爽篤學勵行博藝宏通講書

論文竟日忘倦不欲聞人之過不忍道人之非中以守身和以應物表表懿範多士咸稱重焉

趙蔭奇字永之山西介休籍大同威遠人 恩貢順治

十六年任移貢院豁荒糧修復城垣招集流散治行稱最

陳 謨字睿之直隸大興籍浙江山陰人例貢康熙十五年任清廉仁愛以德化民諄諄勸諭墾田種樹發給牛種招集流亡濬池隍立坊表陞雲南臨安府知府去之日士民遮道號泣相送有遺愛碑在古共城坊間

滑 彬字魯齋浙江義烏籍錢塘人拔貢正紅旗教習康熙二十八年任蒞任歲餘頻遭荒歉竭力請蠲捐資

賑濟興水利立義學禁棄嬰孩置買義塚先賢祠宇廢
墜者次第修舉圉生宿草庭可張羅纂修邑志善政多
端

趙希濂山西猗氏人康熙乙未進士雍正二年任躬親
閭里教民勤儉課文藝免濶布禁賭博清盜賊察吏燭
奸案無停牘刊送大家文是著有四書註朱風清俗美
民愛之如慈母有去思碑在百泉報德祠

王孚江蘇上元人進士乾隆九年任知縣志有爲廢興
墜舉衙蠹肅清文教振起不擾百姓不昂商賈後調任
固始送者遮道

文兆璉字季棠廣西靈川人戊午解元已未進士乾隆

十五年任繕城垣築橋梁葺學宮纂志乘創建先賢高
子祠疏濬城南溝洫置書院膏火田一頃八十畝二十
年辦理軍需恪遵 憲指僱覓車馬毫無派累凡有關
地方利益者次第舉行

杜 垌山東滕縣人癸酉舉人乾隆五十四年任免漕
車革浮派力敦古道不事逢迎暇卽步至塾中與士子
論文未及期年頌聲四起惜以病去職

高上桂雲南鄧川州人癸未進士乾隆五十五年任老
誠持重政簡民安其大者修學校以振文風除荒糧以
免民累沙窩等處立祠祀之

張丹桂山西曲沃人乾隆丙午舉人嘉慶三年任屢遭

荒歲力請賑蠲繼又倡率紳民重修文昌閣以艱去

職

宦蹟

唐

衛國公李靖以盜賊充斥爲害一方遣將護守民賴

以安土人德之立祠以祀

詳見石表

宋

岳飛官中軍統領時隨王彥渡河復新鄉明日戰於

侯兆川飛身被十餘鎗士皆死戰又敗之引兵益北與

金人戰於太行山擒其將拓跋耶烏居數日又與敵遇

飛單騎持丈八鐵鎗刺殺其黑風大王金人敗走

詳見宋史

都統制王彥率十一將部七千人渡河復新鄉因飛屢
勝傳檄州郡金人率騎數萬圍之彥以衆寡不敵潰圍
出走諸將敗去彥獨保共城西山遣心腹結兩河豪傑
圖再舉撫愛士卒與同甘苦未幾兩河響應忠義民兵
首領傅選孟德劉澤焦文通等皆附之金人召其首領
俾以大兵破彥壘首領跪而泣曰王都統砦堅如鐵石
未易圖也宗澤聞彥聚兵太行山卽以彥爲忠州防禦
制置河北

詳見宋史

元

衛輝路守王昌齡字顯之滄洲人世祖時守衛政務寬
平百姓流移者皆復業泉水自輝州流會淇水秋潦輒

濫田廬一空公築堤以禦之又於清水泉創開溝渠灌田數百頃卒葬汲縣學士王憚銘其墓

明

督學副使吳伯通字原明廣安人成化庚子督學中州病時流學務枝葉不根理致乃於中州創建四書院以祀前賢而勵後進百泉書院其一也初議專祀邵子既而遡及周程張朱暨溫公南軒東萊魯齋凡十賢以姚樞竇默配顏曰百泉書院選諸生之秀敏者肄業其中親定教條每因行部督課未幾以憂去

提學僉事車 璽山西澤州人進士創思賢亭於百泉

書院祀晉孫登嵇康宋邵康節李之才元姚文獻許魯

齋賓子聲諸公復爲記以廣之增祀先聖羣賢配食
書院規制自此漸大

衛輝府知府翟鵬撫寧人以清嚴治事正德庚辰重
修百泉書院崔後渠爲之記

清軍御史許完江南丹徒人進士正德十年重修嘯
臺建公和祠李空同爲之記

衛輝府知府陳慶字履旋江西永豐人嘉靖中守衛
博學好文處事以靜嘗率諸生講學百泉書院

衛輝府知府呂顥字幼通陝西寧州人嘉靖癸巳守
衛嚴毅不阿修廢舉隆加意學校斥毀淫祠重修百泉
書院

巡鹽御史吳達可江南宜興人萬歷庚子以督鹺之命至輝謁康節祠擴拓修輯刻石記之郭宗伯昌稱其品峻而養邃以理學著聞

河南叅議徐文溥浙江開化人進士正德末巡河北言太極書院始於姚文獻而獨無專祠殊屬缺典乃於西

關構地以祀有記

詳祠祀

巡按御史霍冀山西孝義人進士嘉靖十三年按輝修衛源廟暨百泉書院湧金亭諸廢咸舉與敖公同祀於百泉

衛輝府知府張昇山西陽城人時戶部某肆虐於輝

羅織輝民有水田者百餘人欲盡誣以法公極力拯之

白撫按奏其事乃獲釋民懷其德祀於衛源之西

副使祝萬齡萬歷年進士監軍磁州時輝縣之北與山西陵川之南有村曰水峪回賊竊據數十年大爲民害萬齡與山西監司王肇生合兵擊之六戰焚其巢三百餘賊遂平

詳見明史

國朝

巡按甯承勲字康侯直隸大興人舉人順治二年按輝以輝當凋敝之餘田盡荒蕪糧額尙存因奏請豁免地糧四千二百九十五頃民困以甦

巡撫賈漢復字膠侯滿洲籍山西曲沃人順治十六年因輝邑荒災民多逋欠題免包荒地一千四十五頃

輝民感德舊有祠在百泉山麓

詳祠祀

巡撫佟鳳彩字高岡滿洲籍奉天人輝邑西北侯兆川地多疊石而成謂之梯田兵火後民逃亡殆盡地被水衝土盡石見而田賦仍存民苦賠輸康熙十三年公親行踏驗題免水衝地九十五頃被災者賴以全活

提學副使蔣伊字莘田江南常熟人按試百泉簡拔皆孤寒之士以請託至者輒面阻之建闢利堂爲說闡其義養病泉畔稍閒卽進諸生而教誡之復勒條約諄復詳盡士風丕變

巡撫李國亮奉天海城人先任藩司因公過衛訪求民瘼知五閘地賦三上而當用水時恒爲巡役所撓蒞任

後禁用巡差水利賴以復興民立祠祀之

見孟發祥碑記

提學副使湯右曾浙江仁和人按臨郡邑久公矢慎絕
貪緣杜請託兩試輝邑曩之擯棄者悉簡拔之尤加意

名賢後裔教誨諄摯士習以端

詳孟發祥碑記

總督田文鏡奉天正黃旗人政尙嚴峻令行禁止貪墨
豪右靡不斂跡雍正四年農曹以輝民用水漑田欲廢
五閘公陰庇之閘乃得全

總河嵇曾筠江南長洲人時議毀閘公知其弊反覆開
陳五閘之保全雖田公主之實公調濟之也又於泉西
掘地得泉以資灌漑民德之因以公姓名泉建祠其上
以祀公

巡撫尹會一直隸博野人按臨輝邑廉知賦重倍他邑奏免上上田賦二十七頃有奇

布政使司趙城雲南人與臬司沈以百泉書院久廢設處公項五百兩發縣修葺

按察使司沈起元字敬亭江南太倉人與方伯趙修百泉書院又捐俸一百二十金重修清暉閣

衛輝府知府黃圖秘江蘇華亭人以除弊安民爲已任飭令各屬徵收錢糧遵用滾單革除里長社長各名目不許濫點承充致多擾累遇有軍需車馬河工物料麩草等項着鄉保地方領價僱買禁止強拉民間騾馬入號應差士民感德立石高子祠前

衛輝府知府葉佩蓀浙江歸安人嚴諭各屬謹固地方以戢奸匪飭令優禮紳士永免更夫邑人立石東關以

誌德政

以上二條李向離採訪

巡撫倭什布滿洲人廉知輝邑西北迭被水災冲壞民田五十餘頃賦無所出嘉慶四年題免行糧二十四頃四十七畝有奇民賴以蘇

果勇侯楊芳嘉慶十八年從總統大臣那彥成征剿滑匪大破賊魁李文成於桃園遂由考城封邱陽武新鄉追至輝縣北流河賊衆竄入侯兆川據險憑高將爲久計侯率銳師繞道塔岡口出賊不意直度鹿嶺諸山殲其衆數千人於司寨

巡撫程祖洛字梓庭安徽歙縣人駐節蘇門偕邑令周際華步尋泉源指乾濠一道命鑿之果得水始而涓涓細流閱數日沛然成渠繼又捐俸百金屬修孫徵君祠並建祠後三楹以祀同時救左魏周之難者

署按察使麟慶滿洲人捐俸百金屬邑令周際華重修邵子桃竹園改建擊壤亭

巡撫楊國楨四川崇慶州人巡閱至輝籌款一千金屬邑令周際華重修清暉閣又捐俸百金助修耶律文

正公祠

河北道文冲滿洲人捐俸一千二百金屬邑令周際華改修蘇門山路重修

皇閣孫公和嘯臺 邵子安樂窩等處

軍保志

卷十

循政

宦蹟

七

輝縣志卷十一

輝縣知縣黔筑周際華石藩纂修

人物志

鄉賢 續紀附

周

高 柴字子羔孔子弟子長不五尺少孔子三十歲足
不履影起螫不殺方長不折執親之喪泣血三年未嘗
見齒爲成宰有兄死而不爲衰者聞子羔將爲成宰遂爲
衰成人曰蠶則績而蟹有匡范則冠而蟬有綏兄則死
而子羔爲之衰爲衛士師則人之足俄而有蒯瞶之亂
子羔去之至郭門則者守門焉謂子羔曰彼有缺子羔

曰君子不踰又曰彼有賢子羔曰君子不隧又曰於此
有室子羔乃入焉謂刖者曰吾不能虧主之法而刖子
之足今吾在難正子報怨之時而逃我者三何哉刖者
曰斷足固我之罪昔君治臣時愀然不悅豈私臣哉天
生君子其道固然此臣之所以脫君也孔子聞之曰善
哉爲吏其用法一也思仁恕則樹德加嚴暴則樹怨公
以行之其柴乎夫子又嘗稱之曰柴也愚唐贈共伯宋
封共城侯

晉

孫登字公和無家屬於蘓門山爲上窟居之號蘓門
先生夏則編草爲裳冬則披髮自覆善長嘯好讀易撫

一絃琴性無悲怒人或投諸水中欲觀其怒登旣出便大笑人見之與語不應時時遊人間每所止家輒給其衣服食飲一無所受嘗往宜陽山有作炭人見之知非常人與語登不應魏司馬昭聞之使阮籍往觀見其擁膝巖側籍登嶺就之箕踞相對問之不應與商畧終古弗答籍因對之長嘯良久乃笑曰可更作籍復嘯意盡退還半嶺許聞上嚙然有聲如數部鼓吹林谷傳響顧看乃登嘯也嵇康從之遊三年問其所圖終不答康每嘆息將別謂曰先生竟無言乎登乃曰子識火乎火生而有光而不用其光果在於用光乎人生而有才而不用其才果在於用才乎故用光在乎得薪所以保其耀

用才在乎識真所以全其年今子才多識寡難乎免於
今之世矣康不能用卒如其言

張

古字天叟世爲燕人祖令進歷事太祖以軍校尉

歸老范陽已而徙中山遷衡漳父德新讀書爲儒者早

卒古十一歲而孤事母孝長益好學必求義理之盡天

聖中嘗登蘓門山謂其子雍曰若聞孫登之爲人乎吾

所尙也遂隱居於山下卒年七十九性簡厚喜文字所

著有正聲正字正音等三十篇子雍次子睦舉進士

邵 雍字堯夫幼從父古徙共城隱蘓門山下結廬百

泉之上時居母憂布裘蔬食躬爨以養父堅志苦學共

令李挺之叩門來訪勞苦之與語物理性命之學雍再
拜願受業於是先示以陸淳春秋後授河圖洛書伏羲
八卦六十四卦圖象雍益覃思刻勵冬不爐夏不扇夜
不就枕席者數年安貧樂道未嘗攢眉名所居爲安樂
窩少自雄其才慷慨有大志旣學力慕高遠謂先王之
事爲必可致及其學益久德益進玩心高明觀天地之
運化陰陽之消長以達乎萬物之變然後頽然其頤浩
然其歸一日嘆曰昔人尙友千古而吾未嘗及四方遽
可已乎於是走吳適楚過齊魯客梁晉久之而歸曰道
在是矣蓋始有定居之意晚遷於洛舉遺逸試將作主
簿又以爲潁州團練推官皆辭疾不赴先生於書無所

不讀著皇極經世書六十卷晚尤喜爲詩平易而造於理有擊壤集二十卷自爲之序熙寧十年卒於洛贈秘書省著作郎謚康節咸淳元年從祀

孔廟明崇禎間設祭田奉祀生與其祀

林 舍字虛白早舉進士爲大理評事年三十掛冠與蘓軾同年軾有書云先生熙朝及第壯歲休官以節志推之可以追步淵明矣

杜 貴仕至太尉政和三年賊犯縣境貴率二子出禦力戰而死民賴以全孫大忠以功授侍衛親軍都虞候仕至鄆州觀察使

元

姚樞字公茂號雪齋直隸柳城人遷居洛陽公自幼力學讀書夜分不輟志期甚高宋內翰九嘉少登科甲有重名折行位與之遊嘗謂人曰公茂負玉佐之畧其爲前輩見推如此初與楊中書惟中北觀太宗甚重之賜錦衣金符爲燕京行臺郎中時牙魯瓦赤爲臺長惟事貨賂遂棄官攜家來輝墾荒雲門冀田數百畝修二水輪誅茅爲堂城中作家廟奉祀四世堂龕宣聖容旁垂周兩程張邵司馬六君子像讀書其間衣冠莊肅以道學自任暇時則鳴琴百泉之上汲汲以化民成俗爲心自板小學語孟諸書傳之四方時許文正公衡聞公得伊洛性理之學盡室來輝相依以居世祖在潛邸

以禮聘至敷陳治道數千言世祖奇其才使授太子經
以爲太子太師不拜改大司農拜中書左丞昭文館大
學士十二年拜翰林學士承旨卒於官壽七十八贈榮
祿大夫少師謚文獻至大三年追贈嘉猷程世舊學功
臣太師開府儀同三司魯國公謚仍舊元貞三年五月
遷葬於輝

姚燧字端甫號牧菴樞之從子生三歲而孤育於伯

父樞謂燧蒙暗教督甚急燧不能堪楊奐馳書止之曰

燧令器也長自有成何以急爲且許黤以女時許衡與

樞講道蘓門燧年十二卽從之遊十八始受學於長安

時未嘗爲文視流輩所作心弗是也二十四始讀書

之文試學爲之人謂有作者風就正於衡衡亦賞其辭
且戒之曰弓矢爲物以待盜也使盜得之亦將待人文
章固發聞士子之利器然先有能一世之名將何以應
人之見役者哉非其人而與之與非其人而拒之均罪
也非周身斯世之道也至元七年衡以國子祭酒教貴
胄奏召舊弟子十二人燧自河內驛至館下燧年二十
八爲秦王府文學提舉陝西四川中興等路學校遷翰
林直學士奉詔修世祖實錄拜江西行省參知政事仁
宗居藩邸開宮師府燧年已七十遣正字呂洙如漢徵
四皓故事起燧爲太子賓客未幾除承旨學士尋拜太
子少傅武宗面諭燧燧拜辭曰昔臣先伯父樞嘗除是

官尚不敢拜臣何敢受授翰林學士承旨知制誥兼修國史得告南歸後以病不赴召卒於家年七十六諡曰文燧先在蘓門山時讀通鑑綱目常病國統散於逐年不能一覽而得其離合之槩至告病江東著國統離合表若干卷年經而國緯之如史記諸表將附朱熹凡例之後其學有得於許衡器識豪邁由窮理致知反躬實踐爲世名儒爲文閎肆該洽豪而不宕剛而不厲春容盛大西漢風宋末凋弊之習爲之一變當時孝子順孫欲發揮其先德必得燧文始可傳信其不得者每爲愧恥有牧菴文集若干卷行世

姚煒字顯甫號誠齋樞之子年十六元世祖官以禮

部郎中蓋異數也長忠厚清慎克紹先烈歷官中奉大夫河南北廉使陝西行中書省參知政事卒贈推忠秉德佐治功臣光祿大夫河南江北等處行中書省平章政事柱國追封魯國公諡文忠

張思明字士瞻獲嘉人徙居輝州遂家焉少穎悟過人讀書日記一言至元十九年由侍儀舍人辟御史臺掾又辟尙書省掾嘗抱牘誦於帝前自昏達曙音吐洪暢帝奇之明日擢大都路治中以踰越辭改湖廣行省都事元貞元年召爲中書省檢校六曹無滯遷戶部主事大德初擢左司都事轉吏部郎中改集賢司直除江浙行中書省左司郎中民饑首贊發廩賑濟皇慶元年遷

兩浙鹽運使歲課贏其寮請上增數思明止之曰無以一已病後人召爲戶部尙書延祐元年進參議中書省事仁宗卽位勅賜浮屠官五品思明持不可帝召責之思明曰選法天下公器故寧違旨不敢隳祖宗成憲使天下窺陛下淺深帝稍從之後爲工部尙書授宣政院副使除西京宣慰使威惠並著反側以安又奏和林運糧不便事十一條帝勞以上尊端視拜中書參知政事英宗造壽安山寺殺諫者三人而囚其二人思明救之獄乃得釋後廢而家居文宗初起爲江浙行中書省左丞陝右饑中書撥江浙鹽課十萬錠賑之吏以爲難思明日鮒在涸轍可復緩耶二年復召爲中書左丞相陳累

朝任賢使能治民定國之道因辭衰老告歸重紀至元三年卒年七十七平生不治產不畜財收書至三萬七千餘卷尤明於律與謝仲和曹鼎新同稱三絕贈推忠翊治守義忠臣中書左丞上護國清河郡公諡貞敏趙澄德性純古動遵禮度仕終衛州教授

明

王衡字平之國子生先名道廷試引見上爲之更名衡洪武初授翰林院侍講學士

李徵字用賢歲貢生天順六年任光祿寺監事畧曰歷年旣久克慎且勤

李文泰字時雍成化丁酉舉人任長清縣教諭造就人

才卓有聲譽宏治六年陞翰林院待詔十六年陞榮府紀善父母有疾冠衣不解湯藥親嘗者三月鄉人咸以孝稱

陳玉字德輝宏治庚戌進士任南直靈璧縣知縣治行稱最選授浙江道監察御史累有建白爲時所重出行按福建風裁赫然值延寇嘯聚設機蕩平捷聞孝宗嘉其功賜衣一襲正德初以事忤逆瑾謫湖廣布政司照磨旋擢令會稽又八月陞四川按察司僉事以母老不赴旣歸杜門謝客非公事未嘗至公府人高其行後以撫按保奏欲擢用之辭不起卒於家

魏安字居仁國子生宏治十年授府軍右衛經歷贊

佐軍政多所補益畧曰蒞事維勤論功斯最

李可登字思善文泰子宏治甲子舉人

詳忠烈

冀國字定甫嘉靖丁酉舉人授直隸唐山縣知縣築城垣修學社彌盜救荒邑中大治撫按累疏薦賢能卓異行取授刑部主事民立去思碑復公舉入祀名宦時楊忠愍公以忤嚴嵩在獄諸郎官畏嵩莫敢與語公適典獄獨維持調護忠愍因手書梅花長歌贈之一時諸名公題咏甚多彙而成帙繼改戶部歷員外郎郎中釐奸剔蠹多所建明陞貴州都勻府知府時土酋王世麒據險叛逆公單車之任躬率將吏設奇勦平督府上其功荷蒙欽賚銀幣嘉靖丙寅致仕馳驛旋里呈請霍敖

二公將輝縣潁河沮洳盡改水田刊有江南肥田之法
立石教民享年八十有二無疾而逝

冀守謙字汝光國之子幼承庭訓矢志攻書效法先賢
立功過格凡婚姻死葬罔不周恤中萬歷丙子鄉試戊
戌成進士初任益都縣知縣會稅採初興權璫橫逆前
官皆以忤璫被逮公之任正直不阿每以理法伏璫遂
移駐他邑一方靜謐政聲稱最行取戶部主事奉差淮
安糧儲其衙署卽梅軒公奉差所建公幼年隨任讀書
之處人稱橋梓繼美復差蘓松監兌聲騰中外陞真定
府知府潔已愛民適當入覲抱病赴京卒於中途輦輿

歸里惟有圖書數笈

曹蘊清字秋林辛未進士授翰林院編修

吉永祚字紹鎮詳忠烈

國朝

孫奇逢字啟泰號鍾元直隸容城人少倜儻好奇節而內行篤修負經世之畧常欲赫然著功烈而不可強以仕年十七舉萬歷二十八年順天鄉試先是高攀龍顧憲成講學東林海內士大夫立名義者多附焉及天啟初逆閹魏忠賢得政叨穢者爭出其門而目東林諸君子爲黨由是楊漣左光斗魏大中周順昌次第死厰獄禍及親黨而奇逢獨與定興鹿正新城張果中傾身爲之諸公卒賴以歸骨世所傳范陽三烈士也方是時孫

承宗以樞輔經畧薊遼奇逢之友歸安茅元儀及鹿正之子善繼皆在幕府奇逢密上書樞輔樞輔以軍事疏請入見忠賢大懼繞御牀而泣以嚴旨遏樞輔於途而世以此益高奇逢之義臺垣及巡撫交薦屢徵不起樞輔欲疏請以職方起贊軍事使元儀先之奇逢亦不應也其後畿內盜賊數駭容城危困乃攜家入易州五公山門生親故從而相保者數百家奇逢爲教條部署守禦而絃歌不輟

國朝定鼎以國子祭酒徵有司敦趣卒固辭移居新安旣而渡河止蘓門百泉水部郎馬光裕奉以夏峯田廬遂率子弟躬耕四方來學願留者亦授田使耕所居遂成

聚奇逢始與鹿善繼講學以象山陽明爲宗及晚年乃更和通朱子之說其治身務自刻砥執親之喪率兄弟廬墓側凡六年人無賢愚苟問學必開以性之所近使自力於庸行其與人無町畦雖武夫悍卒工商隸圉野夫牧豎必以誠意接之用此名在天下而人無忌嫉者方楊左在難衆皆爲奇逢危而忠賢左右皆近畿人夙重奇逢質行無不陰爲之地者鼎革後諸公必欲強起奇逢部郎平涼胡廷佐曰人各有志彼自樂處隱就閒何故必令與吾儕一轍乎居夏峯二十有五年卒年九十有二河南北學者歲時奉祀百泉書院而容城與劉因楊繼盛同祠保定與孫文正承宗鹿忠節善繼並祀

學宮天下無知與不知皆稱曰夏峯先生

年譜本傳

所著有

四書近指讀易大旨尚書近指理學宗傳夏峯集家禮
酌歲寒居問答孝友堂家規畿輔人物考中州人物考
諸書葬於夏峯東原康熙四十五年工部尚書徐潮於
百泉創建專祠道光六年巡撫程祖洛檄輝縣知縣周
際華重修於後室增祀周旋左魏周三君子難諸人道
光八年從祀

孔廟

孫望雅字君孚夏峯先生第三子週歲喪母十歲就外
傳讀書鄙章句弱冠從鹿忠節公遊讀羅念菴先生集
恍然曰學在是矣忠節大喜更授以傳習錄與家兄君

建互証默識充然有得年三十卽棄青衿以尊聞行知
爲務夏峯先生歿一肩家學喜怒不形涵養純密終身
善病而善自保艾年七十七鬚髮如漆無病而卒所著
有得聞人集

孫博雅字君僑夏峯先生第四子聰明過人潛心性命
之學夏峯先生所著皆手自校錄潛菴先生稱其字體
古健無一筆苟簡康熙初奉

詔舉山林隱逸力辭不就弟遭无妄奔走救援弟幸得釋而先
生以勞瘁致疾客死都門同人高其義私諡文孝處士
著有約齋詩文集湯潛菴先生爲之傳

孫 淦字靜紫號擔峯君孚先生長子年十一卽能彈

琴賦詩讀書別有領會中歲成進士官中翰一日心動
遄歸父方康健甫入門十八日父無病逝以父棄養絕
意仕進取祖父遺書抄錄玩索刊以行世居心光明俊
偉行事務持大體善成就後學卒年六十一所著四書
醒義多前人所未發擔峯詩四卷遊記四卷文集六卷
紀宏謨字伯禹遼東開原衛人寄籍於輝以父國相殉
節廕授光祿寺署丞母歿廬墓三年服闋補順天府經
歷調垣曲縣知縣垣居萬山中有李日貴等竊據所在
剽剝宏謨操練鄉勇檢獲賊首四境悉平遷大名府同
知陞保定府知府寬猛適宜旗民莫不畏服

續紀附

明

郭野字樸菴歲貢生潛心正學心服尤西川先生之
爲人晚歲目盲搆得所著命二子讀而聽之好學之心
老而彌篤

秦衛周字維翰號蘭亭邑貢生博極羣書善古今文辭
兼工書畫不特河北三郡甲乙科之選多出其門卽遠
方亦多負笈者然賦性高曠浩落有古狂士風不以進
取爲念其畫至今流傳人以爲片紙千金

張

信字中孚

詳忠烈

國朝

郭迓熙字駉臣別號共陽居士事親以孝聞從孫夏峯

軍系志

卷二 人物

鄉賢續紀

七

先生遊手抄九經成帙夏峯先生爲之序雖膺歲薦第以正心立品爲要別業有星聚堂湯潛菴先生爲之記李滋撰其陽居士傳

楊生輝字映斗順治戊子恩貢言笑不苟讀書外一無所好官山海關通判謹守理法雖小必慎上官咸敬禮之以爲有古人風未幾掛冠歸兩袖清風一經教子山村僻處而衆望歸之

孫用正原名用楨號緘齋中翰詮子八歲能屬文十二歲能詩古文辭十四入郡庠旋膺選拔領鄉薦遭外艱寢處柩旁從憂戚中認取本來面目以承家學不飲酒茹葷者三年母楊氏年八十失明用正念父痛母先意

承志母見背後屏絕葷酒率兩孫居墓側者三年前蒙
知縣陳勲以古禮克敦表其門後蒙知縣張鏐以七十
廬墓表其門又以孝聞於

朝乾隆七年建坊

旌表初任禹州學正士風丕變再鐸許昌創書院興社學去之
曰人不能忘建講堂祀之且歲時講習其中大中丞楊
雅兩公聘主大梁書院講習教士惟尙躬行居恒以維
持風化爲本樂道人善如不及族眾貧乏者周之貧甚
者給以田廬捐田百畝以供家廟祭祀其尤著者以夏
峯先生著作宏富恐致散佚竭力付梓名曰夏峯先生
集又請於撫憲建夏峯先生專祠於百泉因撫憲陞遷

期促冒雪衝風不憚艱險倡辦地方利弊盡心竭力裨益宏多乾隆八年舉鄉飲大賓所著有緘齋集十六卷增刪輝志稿八卷卒年八十九葬於城北方山之陽

郭培貽字燕若歲貢迺熙子選貢東銘父孝友性成文品兼優新輝後進多出其門人有貧乏者不吝資助家業中落處之淡如也嘗誦溫公事無不可對人言大書壁間以自勵郭氏丁男最盛新輝兩縣俱有戶口差徭相沿已久故居輝而成新鄉 恩貢其家至今猶習以爲常

忠烈

唐

葛里相公名字失傳舊志稱公登第之初直諫不從觸
階而殞唐延和間封直烈侯

宋

主之翰字周輔累官至殿前承制尚智謀不拘小節時
生羗黨令征爲患之翰與龍圖大學士任顥有恩地之
舊毅然馳單騎詣賊巢諭以順逆醜類內附其他功績
甚多晚愛共山林泉之勝因卜居焉

任文煥採訪

杜

貴

詳鄉賢

明

李可登字思善宏治甲子舉人歷任兵部司務嘉靖三
年議大禮忤旨廷杖死隆慶初詔褒其忠贈光祿寺少

卿祀忠義祠

吉永祚字紹鎮增生援例准貢崇禎五年任陝西鳳縣主簿既致仕流寇突至印官逃走公倡義督士民守城城陷公北面再拜曰臣爲鳳縣官不敢以致仕逃局外當與城同存亡遂罵賊死長子士樞三子士模同死詔贈漢中衛經歷勅建忠節坊

張信字中孚號西銘歲貢生孝事繼母友愛幼弟鄰里貧乏不能婚葬者量力助之六次中副榜終以貢任襄城訓導修理學宮立攻玉社課文多所成就賢聲四達撫按交薦逆闖梟張孤城失守拜辭君師北面自縊氣未絕而賊至解其索欲生之公大罵不絕口賊截其

舌卽以血書剪寇字誓爲厲鬼以除賊賊益恨遂遇害
妻馮氏媳崔氏亦殉難忠孝萃於一門載襄城志甚詳
其子庠生含樸冒刃覓屍輿櫬歸葬

牛農夫名德富關村里民莊烈帝崩凶聞至牛適執鋤
播耰呼號痛楚赴百泉義字聞投水死

國朝

王 顏東北流人嘉慶十八年滑匪入其村肆行焚掠

顏率某某等七人捍拒仆賊數人頃賊至甚眾力不能

敵顏與七人皆以叫罵不屈被害

張藜照採訪

陳 銘孫村人滑匪過其村父孔思年八十銘負之逃

適與賊遇見銘少壯脅使相從銘哭白父病不能離左

右賊曰爾所繫念者父耳今殺爾父爾自安心從我矣

卽欲刃其父銘紿之曰但舍我父我卽相從賊信之銘

負其父於密室中諭其子奠邦曰居此守汝祖勿動予

行卽歸耳銘從賊至高莊賊愛其才守之嚴不得逸又

從賊至司寨乘間逃歸復爲賊得加刃於項要使自誓

不再逸銘罵曰爾鼠輩行且就戮尙不自悟而脅我耶

吾旣全吾父吾又有子安用吾身爲罵賊不屈死

崔華採訪

劉君仁西沙崗村農滑匪之亂與本村數人往山中逃

避爲賊所獲以刃逼從數人戰慄君仁獨厲聲曰汝等

算甚麼東西我至死不從賊遂遇害

任文煥採訪

王全寨宏村農耿介朴直滑匪入川全謂其家人曰

汝等且去吾守門戶賊來當與理說家人強之使逃乃
曰汝等先行吾登屋望其來去之未晚家人不得已皆
上頂賊來全至村外爲賊所執挾降不從大罵不屈遂
被殺傳培梧採訪

孝友

明

岳維祺洪武二十四年父宗岱病維祺侍左右奉湯藥
每夜祈天願損已年以益父壽父卒哀毀幾絕旣葬廬
墓三年復築臺立祠事死如生

李文泰詳鄉賢

國朝

鍾縣志

卷十一

人物

忠烈

孝友

三

孫奏雅字君協徵君次子具肆應才受業於鹿忠節有聲庠序旋以徵君衰年多病留心醫藥取古人傳書力精探討凡陰陽氣運剛柔秉賦及切脈察理藥性君臣無不觸類旁通遂精其術日錄古人諸方參酌已意得三十卷名曰醫學宗傳六十餘猶廬墓三年每以孝弟力田爲孫曾誠勉年八十八歲卒

孫博雅

詳鄉賢

甯士均號季和世籍燕邸父任蕭山令卒於官遂家於輝兄弟三人士均最幼以母善病乃從孫奏雅受岐黃術若夙慧然人以病至者每服卽愈以族伯寓回隆鎮往依焉壺隱市中不避寒暑風雨且愈不責謝負不責

償並不登籍記有以藥資至者不知爲誰氏亦不問幾何也性至孝以母老還輝居母喪幾滅性長兄年逾八旬士均問寢視膳人服其友恭持身端謹與物謙和未嘗疾言厲色年八十一歲卒

王維乾字泗濱邑增生幼失怙事母曲盡甘旨弟甫三歲家業漸凋維乾厚弱弟而薄以自予教諸子以義方耿之翰字爾良保汝先生子父患痿痺卧牀褥不能轉側者六年之翰日夜侍牀下飲食便溺不假他人手母病事奉如父學使者以孝聞於

朝奉

旌表雍正七年崇祀忠義孝弟祠

軍縣志

卷十一 人物 孝友

七

孫用正

詳鄉賢
續紀

孫烜週歲喪父母張氏得異病中消善食烜年八歲

卽能奉事弗缺病愈復發日夜數十餐烜炊爨榻側前

後凡八載乾隆五年 撫憲雅 題請准給九品頂帶

仍給扁褒獎太倉沈公以其事載中州彰善錄

孫在城字亦樵七齡失怙哀倍成人事孀母克承志意

祖歿代父廬墓三年 學憲表其門

王仰曾字又高乾隆丁酉拔貢歷任蘭陽泌陽武安教

諭事繼母如母其母愛之過於所生品學兼優兼工書

法

史緯經
採訪

王育秀字晉儒嘉慶庚申舉人新鄭縣訓導居心細密

應務和平孝友克敦安貧守分在官旋里兩袖清風

王榮王耀係堂兄弟相親相敬至老不衰上自祖父下

及子孫數十口同居至五世

以上張藜照採訪

王守義字鴻儒職員靜雅寬厚友愛出於天性弟子姪
七人甘苦維均事每相先言恒相讓聞有過失督責不
稍貸且訓之曰讀者以明理爲上勿急功名耕者以朴
實爲主勿蹈尖薄吃虧兩字是吾一生得力處當切記
之至其不矜已長不談人短交友必本於誠遇有忿爭
多爲解息鄉里稱長厚焉至今四世同爨四十餘口猶
相忍相讓無閒言

鄭夙字金聲八歲喪母十二歲嗣堂伯國校爲後後

本生父歿幼弟亦殤惟遺繼母與一妹夙痛父早亡力
勉於學雖樵採未嘗廢讀二十六歲入邑庠繼父母歿
竭情盡慎營葬終制另爲擇嗣歸宗以養繼母耕惟硯
田供母必豐後母得瘵疾輾轉牀蓐衣不解帶者數月
歿後哀毀備至宴客以素盡禮而不舉樂旣葬復廬墓
三年以素廉介不事干謁於書無所不讀後學多所成
就嘗訓弟子曰學所以明理復性也非恐懼修省無以
全吾天非篤行敦倫無以踐吾實彼以文辭而已者陋
矣

以上睢剛
採訪

姚思孟幼孤貧隨兄思孔生殖度日同心協力毫無間
言後兄癰患卧牀不能轉側一飲一食孟親爲捧哺如

是者十二年無倦意兄有三子長者未及十歲孟一一

撫育慧者使讀書樸者使食力次第爲之婚娶

和致中採訪

朱文祥兄弟三人其仲弟文元幼有廢疾不能步履祥

與季弟文華友愛文元始終無間言有司表其門

郭烈採訪

儒林

〔元〕

孫之傑爲人疎曠不事生產讀書好古耽玩騷雅居貧

以吟咏自娛徜徉林壑終其身

〔明〕

郭

野

詳鄉賢續紀

馬

延字伯齡嘉靖十三年選貢山西嵐縣陝西麟遊

縣知縣性尚儉朴壽登耄年猶孜孜好學不倦

王一龍字在田選貢直隸饒陽縣廣平縣知縣陞陝西
鞏昌府知府歸里後閉戶讀書不事干謁人高其行

郭天祿字乙齋選貢四川夾江縣知縣署廣東廣州府

海防通判以獲寇功授欽州知州蠲除漁稅又請豁沿

海活糧百餘頃以不奉採珠之令罷官家居杜門讀易

劉念臺先生被召赴都聞公名迂道過訪講論旬日念

臺先生自燕歸復過之而公已歿乃求其遺書而去所

著有周易圖解易學引端藜光閣文集藏於家

崔華採訪

秦衛周

詳鄉賢
續紀

國朝

武師孟字希賢拔貢生性樸魯少事孀母拾薪以供爨貧不能讀進士李柱奇其才使從已讀遂以文名生平教授生徒各因其才分之所能功候之所及而善導之多所成就所作制藝不自收拾有得其文者梓以行世而師孟不知也後任冀州州判以病卒於官

田迺理採訪

郭培緒字纘若副貢寶豐縣教諭居鄉端謹歷官勤慎張恭字允謙副貢扶溝縣教諭舉報節孝矢公矢慎葬親告歸闔邑製錦揚休送織一柄顏曰鼓舞風化

周輝字煥光戊子舉人英敏夙成邃於學養司鐸固始多所成就陞鄆州州同推誠以治風爲丕變俗多葬崖穴中歲久暴露公悉飭役掩之歸里後鍵戶課子屏

絕外事祝雲棟稱其色溫而氣和相對既久躁釋矜平

曾力行爲之傳

宋玉珩採訪

任恭字端容本農家子十五歲過鄉塾聞書聲而慕

之因請就學發憤攻苦十餘年補弟子員性純謹篤行

誼後學多所成就子文煥文燦皆爲諸生

傳培梧採訪

王鏞字彝鼎貢生爲人剛正不趨豪富不侮貧弱設

教家塾循循善誘一時遊庠食餼者多出其門

葛向榮採訪

傅培椿字八千性孝友淡泊恬靜年十九補弟子員攻

書好詩尋幽探勝無不紀以篇章著述頗富滑匪之變

盡燬於兵

任文煥採訪

義行

唐

劉綱號蘓門山人開元天寶時尙楚鞠之戲永泰中綱上刑部尙書薛公書云打球一則損人二則損馬爲樂之方甚眾何必乘茲至危以邀晷刻之懽耶薛公悅其言圖之座右命掌記陸長源爲贊美之

任文煥採訪

明

張志成化間助賑朝廷賜以誥勅獎爲義民

國朝

冀應熊字渭公守謙之子崇禎壬午舉人科場建百泉書院時

宣聖像露處公倡義立廟於山巔選湖廣漢川縣知縣有去

軍系志

卷十一

人物

義行

七

思碑陞鄖襄荆興屯同知調嘉興府海防同知海寇入
犯不費公帑修築三城湖寇錢應魁刼截貢物檄公督
捕計擒梟示刊有平寇輯畧安瀾吟厯陞四川成都府
知府蜀省久被焚戮公築城浚池招集開墾竭蹶十載
百廢俱興所屬麥秀七歧具疏進呈蒙

賜幣帛刊有泰徵錄紀異歸里後閉戶讀書呈免黃河夫役歲
省里費數千金裁總練社長以除民害日集諸名公題
詠椒山先生所書梅花卷彙刊成籍年當耄耄索書者
猶踵門不絕云

王紫綬字金章嘗從老儒劉文奇學崇禎末劉家沒於
水王爲置田舍於蘓門年七十餘病卒爲之營葬情禮

兼盡其哭師詩哀痛過人

劉心道號宏陽濬縣王定國夫婦生離劉賸而合之拾
邑人段京銀三兩還之順治十四年武陟縣生苗之英
遺金五十兩於呂公堂積薪中見不肯拾苗覓金得之
喜出意外願分半與之劉弗受事聞於官給扁獎之
孟發祥字濬生自奉儉約好義輕財聞有不謀朝夕者
陰使人致粟於其門冬市棉衣施赤體者歲以爲常康
熙三十一年大饑出穀三千石賑荒全活者不可勝計
四十年又饑力不能賑乃白邑令以已穀減價平糶復
以所得價自遠方購買而賤市之人至今頌德著省園
集行世兼工書畫其畫蘭筆法絕妙得之者以爲寶

馬應龍少孤躬耕以養其母康熙四十六年十月間拾張姓遺銀十餘兩絲毫不昧撫憲載入彰善坊邑令

表其門

劉百泉採訪

高曙年六十妻路氏年五十三無嗣買王氏女爲妾年十六未成婚曙見王涕泣詢知其許字李姓曙慨還其家使配其夫不取身價逾年路氏生子名行周夫婦以壽終行周生四子人以爲陰騭之報

李新字建宇無子買南康人吳氏爲妾日夜悲泣問之則家有前子不能忘也新爲感動曰吾因無子望汝生子乃令汝有子而不見於心何忍誓生還汝後其子楊汝貞聞母在輝聞訃北來母子果得生聚時人高其

義爲詩歌以美之

徐希有字書年歲貢生鄉飲介賓自縣遷居百泉親老弟幼舌耕成家後設教趙固諸村百泉產業悉以與弟後學多所成就

郭應運字素潛貢生樸素寬厚有長者風人貧極不能自謀者輒周濟之別業有地十餘頃佃戶五十餘家荒歲負租概不責償乾隆五年邑令顧萼建坊通衢表其門曰淳風砥俗

羅鈞字平遠貧民閭振邦幼聘李全女爲室後全將女典與汲縣李姓爲婢無力取贖不能完配鈞捐資代贖又出金助婚蘭陽人趙希堯客死於揮鈞施以棺並

給錢粟令其妻子歸里施地二畝爲義塚又給王復亨墓地不受價邑令屢製額獎之

謝加庫其兄早死遺一子名昌撫之如子及成人性殊暴醉與人毆庫子福以法言戒責昌怒持梃擊福腦裂仆地昌亡匿地牌拘執之庫泣曰吾兄止此子今若論抵吾兄絕嗣矣言畢愈痛縱之逃去福調養半年竟愈王林乾隆五年有韓姓者於會上遺銀七兩三錢王拾金還主太守劉謙表其門

王屋隸早孤依寡嫂事之如母及長家益貧隸胞叔無嗣家頗豐族人議以隸繼鳴之於官隸不願出嗣因擇別房爲後至與其嫂析炊盡以家資歸嫂

孫在洲字公潔弟在中以傷人遺戍父輝欲析家資爲
一鬻分於在中者以贖刑在洲以父在皆父業全我手
足破產何惜請全鬻之成其事是年登武魁

傅繼業字念爾侯選布政司理問設局施藥子孫繼之

四世不衰侯兆川中素無車輛每有派支火牌等車無

法措辦川民苦之繼業請於邑侯得免其役

任文煥採訪

睢 安字泰宇事母能得歡心諸兄有乏給與不吝族
弟祥貧而無子夫婦依以終身族姪大忠少孤爲之授
室族姪大有遺四子二女使一子侍其母以居給以衣
食其三子二女皆依已嫁娶悉爲經營鄰里婚葬必相
貲助遇歲歉周急不責償性素嚴正有過者恒畏其知

且有感化不復爲賊者

王步衢採訪

趙渠字漢若夫婦皆五旬餘無子以百金買胡姓女

爲妾方入寢室卽問女曾婚配否女言囁嚅渠嚴詰之

始以有夫告渠卽趨出遣人召其夫至引女去焚其券

並助以貲渠妻周氏逾歲生一子

學憲表其門

李柏年採訪

訪

李文煥監生兄弟四人文煥居次季弟文煜緣事繫獄

父母欲爲贖罪先將產業均分文煥慨然曰難得者兄

弟但能救吾弟願以吾所應得者並行變賣弟旣脫家

道日落文煥終無怨言

秦超吏員爲人嚴正事務了然排難解紛人皆敬服

無疾而逝弔者盈門

李鑑幼繼於同姓不宗之李氏比成立本生處止有寡嫂迎養於家以已之次子爲嗣朝夕敬禮至老不衰壽皆八十餘及至葬兩門子孫各送其塋人稱善焉

王育賢字養儒副貢通許縣教諭豁達大度仗義輕財精岐黃工詩兄弟和淡白首如常

劉永湜伯叔祖父有死而未葬者湜竭力籌畫與已祖同葬計十七棺人服其義

以上張藜照採訪

張履中武生與從弟監生大椿居豐城皆勇而好義乾隆甲寅大水村人避水於其家者百餘口供食數月滑匪之變二生倡眾挑渠引水布置有方遠近賴以保全

者甚眾費多金無吝色

周繼熊採訪

李霖字膏蒼監生每於歲暮儲粟周給黔計親族之

困乏者酌其緩急以定多寡歷年不倦又施地爲義塚

俾貧者咸得葬焉

趙八元採訪

隱逸

晉

孫登

詳鄉賢

元

孫之傑

詳儒林

明

彭之燦字了凡直隸蠡縣諸生甲申後棄家隱蘓門依

孫徵君以居紳士有餽粟者夷然不屑竟坐死嘯臺旁
徵君題其墓曰餓夫詳邱墓

國朝

孫博雅詳鄉賢

張果中字于度直隸新城白溝河人左忠毅公所選士
少孤教育諸弟成立以產讓之孫徵君廬墓時就而問
業後又學於鹿忠節左魏相繼被逮孫鹿二公倡義拯
救時璫燄熾甚莫敢與撓果中奮激爭先出入虎口故
烈士之名滿天下從孫徵君遷居蘓門卒葬夏峯北原
上谷魏一鰲題其墓曰白溝遺民

耿 極字保汝號誠齋直隸定興人兒時卽寡言笑儼

如成人九歲喪父及長從徵君學於夏峯深有會於文
成良知之旨常往來陳杞間見者傾服如披春風後設
教河朔從者益眾雖菜傭牧豎無不以先生稱之其學
務期適用晚耽於易歸老夏峯所著有存誠集王制管
窺周易淺義古本大學繹言古本中庸繹言卒配享百
泉孫徵君祠子之翰另有傳

方伎

國朝

李序禮字國華延津人載之季子順治乙酉拔貢辛卯
舉人精岐黃有人謬爲有疾就診之序禮慘曰疾不可
爲也夜半死矣其人怫然去俄而疾作至夜半果死又

有已死將斂者序禮適至其家視之曰無怖卽當生以藥灌之遂霍然起其他奇異甚多人擬之太倉公秦越

人云於其卒也夏峯先生哭以詩

府志

孫奏雅

詳孝友

甯士均

詳孝友

胡嵩字維嶽監生敦族睦鄰精於醫術有求必應雖

晨昏風雨未嘗辭勞而絕不受謝

任文煥採訪

張泐廩生善書大字古傲蒼老醉後尤佳

黃增旒蔭生草書精妙

段士鉉工書法鐵筆更佳

李元良生員精於占卜尊信邵子手畫皇極經世圖說

二本又精韻學衣冠朴質有古人風

劉永沛善丹青尤工人物纖微必至

方士諒醫學訓科脈理精微方術絕妙

毛都侯精於傷寒百不失一年近九旬濟活無窮

常子剛善痘疹術功多而不索謝傳其術者皆爲名醫

壽享大年子孫眾盛

以上張藜
照採訪

郭宗林字子中庠生事伯父母一如所生及門成就者
甚多又善岐黃絕不言謝著有身世金丹集活幼心法

要訣其他書畫堪輿俱妙

陳嘉謨
採訪

流寓

寓賢

魏

嵇 康字叔夜譙國人少負奇才寬簡有大量人以爲
龍章鳳姿博學善屬文彈琴咏詩超然於塵埃之表婚
魏宗室拜中散大夫寓居山陽同遊者未嘗見其喜愠
之色與阮籍山濤向秀籍兄子咸王戎劉伶爲竹林之
遊號稱七賢又嘗從孫登遊於蘓門康居貧以鍛自給
潁川鍾會造之康方箕踞而鍛會至不爲禮後坐呂安
事會譖之遂見害臨刑自若援琴而鼓旣而嘆曰袁孝
尼嘗從吾學廣陵散吾每固之不與於今絕矣所著諸
文論六七萬言行世

舊志

晉

軍系志

卷十一

人物

流寓

寓賢

嵇

阮籍字嗣宗尉氏人容貌瓌傑志氣宏放仕魏累官散騎常侍籍本有經濟志屬天下多故士少有全者由是不與世事酣飲爲常嘗於蘓門山遇孫登又與嵇康等爲竹林之遊初武帝求婚於籍籍醉六十日不得言而止鍾會數以時事問之因其可否而致之罪亦以酣醉獲免籍雖不拘禮教然發言元遠口不臧否人物竟以壽終著咏懷詩八十餘篇並達莊論等集行世

阮咸字仲容籍兄子與籍齊名任達不拘歷仕散騎侍郎時荀勗解聲音世祖命依典制正雅樂自謂無不諧而咸謂其不調勗忌之因事出爲始平太守後一田父耕於野得周玉尺勗試以較已所治鐘鼓金石絲竹

皆覺短一黍於是服威神識

山 濤字巨源河內人少有器量介然不羣每隱身自
晦與嵇康善後遇阮籍爲竹林之遊晉武帝時爲吏部
尚書甄拔人物各爲題目時稱山公啟事進尚書僕射
加侍中卒贈司徒諡曰康

向 秀字子期河內人清悟有遠識少爲山濤所知嘗
注莊子內外數十篇發明奇趣讀者莫不超然心悟與
嵇康善康歿作思舊賦又共呂安灌園於山陽仕至黃
門侍郎散騎常侍

王 戎字濬冲瑯琊臨沂人幼而穎悟神采秀徹視日
不眩少阮籍二十歲而籍與之交嘗經黃公酒壚下曰

吾昔與嵇叔夜阮嗣宗暢飲於此竹林之遊亦與其末
自嵇阮云亡吾便爲世所羈縻累遷侍中司徒戎爲人
短小任率不修威儀善發談端當其要會朝賢嘗上巳
禊洛或問王濟曰昨遊有何言談濟曰張華善史漢裴
頴論前言往行衮衮可聽王戎談子方季札之間超然
元著其爲識鑒者所賞如此

劉伶字伯倫沛國人放情肆志常以細宇宙齊萬物
爲心與阮籍嵇康相遇欣然神解攜手入林常乘鹿車
攜一壺酒使人荷鍤隨之謂曰死便埋我其遺形骸如
此著酒德頌爲時所稱仕晉爲建威將軍

府志

周敦頤字茂叔號濂溪湖南道州人嘗遊蘓門與康節先生聞先天剖太極作通書四十篇有易學易說行世卒諡曰元

程顥字伯淳號明道洛陽人嘗遊蘓門每見康節退輒歎息以爲內聖外王之學卒諡曰純

程頤字正叔號伊川嘗遊蘓門問道者輻輳而至縣西程村卽其講學之處一日問堯夫疾曰從此永訣更有見告乎堯夫舉兩手示之曰面前路徑須令寬路窄則自無著身處况能使人行也卒諡曰正

王之翰

詳忠烈

元

軍縣志

卷十一

人物 寓賢

耶律楚材字晉卿遼人父履尙書左丞通術數尤邃太
元私謂所親曰此子吾家千里駒也他日必成偉器且
當爲異國用因取左氏語楚雖有材晉實用之以爲名
字生三歲而孤稍長知學年十七爲文有作者風身長
八尺美髯宏聲博極羣書旁通天文地理律厯算術及
釋老醫卜之說金末爲左右司員外郎太祖克燕召見
處之左右正色立朝欲以身殉天下每陳國家利病生
民休戚辭氣懇切孜孜不已嘗曰興一利不若除一害
生一事不若減一事人以爲名言時民多誤觸禁網而
國法無赦令楚材議請肆宥且條便宜十八事頒天下
悉從之汴梁將下大將欲屠之楚材馳入曰得地無民

將焉用之太宗從之得百四十七萬人楚材又求得孔子五十一代孫元楷奏襲封衍聖公付以林廟地薦名儒梁陟等進講東宮率大臣子孫執經解義置編修所於燕經籍所於平陽由是文治興焉不置生產未嘗問其出入篤於好學不舍晝夜尤嗜易學嘗避地蘓門居於衛水之涯植梅數株建琴亭月榭吟咏其中有梅溪諸詩官至中書令贈太師諡文正

許衡字平仲河內人幼有異質七歲入塾授章句問其師曰讀書欲何爲師曰取科第耳曰如斯而已乎師大奇之稍長嗜學如飢渴值世亂且貧無書嘗至日者家得尙書注疏皆散缺請寓宿手抄以歸避難徂徠山

始得王輔嗣易說夜思晝誦身體而力踐之後從姚樞
得程朱易傳四書集注或問及小學書益大有得移家
蘓門以便與樞講習及樞被徵衡獨處蘓門慨然以明
道爲已任凡喪祭嫁娶必徵於禮以爲倡從學者浸盛
元世祖王秦中召爲京兆提學教化大行及卽位命爲
國子祭酒又命議事中書省衡乃疏陳五事世祖嘉納
之又令定朝儀官制後拜集賢大學士兼國子祭酒其
教諄煦懇至從學者尊師敬業日改月化雖童子亦知
三綱五常爲生人之道又嘗領太史院事與郭守敬等
定授時歷歷成以疾乞還卒於家虞集謂南北未一許
衡先得朱子之書伏讀而深信之持其說以事世祖儒

者之道不廢衡竇啟之所著有孝經注大學直說中庸

語意魯齋文集諡曰文正

河南通志本傳

趙復字仁甫江西德安人以身明道姚文獻樞拔德安多方勸與俱北乃出程朱性理之書傳樞由是北方始知經學及樞居蘓門建太極書院仁甫講授其中風俗爲之丕變學者稱江漢先生

竇默字子聲直隸肥鄉人幼讀書毅然有立志避亂德安得伊洛性理之書以歸與姚樞許衡講學蘓門中統初仕於朝時王文統以言利進爲平章政事默與許衡姚樞入侍言治亂休戚必以義爲本文統患之乃奏以默爲太子太傅外示尊禮實擯使疏遠默以屢攻文

統不中欲因東宮以避禍與樞拜命將入謝以衡議還制文統遂寢其命改授默爲翰林侍讀學士累官昭文館大學士卒贈太師封魏國公諡文正

王 磐字文炳號鹿菴直隸永年人篤學勵行年方弱冠從麻九疇學於鄆城曰作糜一器畫爲朝暮食至大四年擢進士第授歸德府錄事判官不赴居蘓門弟子受業者甚眾時稱名儒世祖聘爲翰林直學士改山東宣撫司入爲太常少卿仕至學士承旨卒贈太傅封洛國公諡文忠有文集行於世

白 棟字彥隆山西太原人始徙行至河內從許衡學繼衡爲國子祭酒奏召舊弟子棟自太原驛至館下三

年以爲國子助教待裕廟東宮棟爲講鄭伯克段于鄆已講而出裕廟語人曰是非空言意固有在也以國史院編修從仕郎仍助教擢監察御史發阿合馬贓貪諸不法事又糾鷹師以已憾殺其幕僚出僉陝西漢中道提刑按察使司事尋改僉燕南河北道趣裝時其父已疾行至衛而卒遂葬輝之周卜村卽授教於輝復除河南道勸農副使以病卒亦葬蘓門姚燧撰墓碣銘稱其學可範世行可勵俗

王惲字仲謀號秋澗汲人博學有俊才從王磐學於蘓門中統初姚樞辟爲諫議官尋擢監察御史論列凡百五十餘章時都水劉晏沒官糧四十餘萬石惲劾之

權貴側目秩滿轉平陽路總管府判官初絳之太平縣民陳氏殺其兄行賂緩獄蔓引逮繫者三百餘人五年不決詔惲鞠之一訊卽伏盡出所逮累者仕至通議大夫翰林學士承旨知制誥同修國史文章政事知名當世追封太原郡公諡文定所著秋澗集百餘卷行於世

明

理炤和字卿雲號寒石西華人初姓李恥與闖賊同改爲理嗜奇好古豪宕不羈講學於白沙姚江之間所爲詩文多奇情異致以故名徹宸聽壬午鄉試未解名癸未欽命補雋蓋異數也闖賊之亂避居蘓門僞命迫之卒不動孫徵君稱爲魯仲連後一人甲申後避難金陵

撫臣薦使監紀蘓州尋監楚豫軍福藩出亡追扈失道
遇唐藩遂如虔以職方主事奉命檄虔兵既至而虔地
將陷寒石投城下死之

文集本傳

國朝

李 封字霞表直隸雄縣人安靜簡潔事親以孝聞補
博士弟子員有聲庠序甲申之變同孫徵君攜家而南
僑居蘓門相與講明易旨一時宦遊世族皆以子弟從
之設教超化山中將有卜居之志旋以病歸蘓門卒

馬爾楹字構斯直隸定興人有介節不治生產從孫徵
君學於夏峯構數椽以居採樵自給人有饋遺概不受
徵君歿益爲正學負荷常往來同人處鼓舞振興至老

不倦著有蠹魚草清涼散讀書筆錄三十餘卷

孫立雅字君建徵君長子受業於鹿忠節忠節以道學期之事繼母孝徵君遷輝獨留立雅守祠墓後以徵君年高來輝侍養徵君卒集諸弟講習於兼山堂撰六約以訓之年七十六卒於夏峯遵父遺命返葬容城著有宏齋集十二卷宣城劉易爲之傳

湯斌字孔伯號潛菴睢州人年十二聽講小學退卽見諸行事順治己丑進士壬辰庶常鍵戶一室與魏象樞曹本榮以理道相切磋出任監司厯陞嶺北參政以父老告歸潛心性理之學渡河至蘓門受業於孫徵君垂二十年充養愈粹推中原真儒斌於書無所不讀而

以忠孝誠正爲本著述不爲空言後大臣交薦由內閣
學士巡撫江蘓累陞工部尙書卒於官著有洛學編明
史稿補睢州志詩文若干卷配享百泉孫徵君祠乾隆初
謚曰文正

耿介字介石號逸菴登封人順治壬辰進士由檢討
出爲福建巡海道築石城以捍寇盜除積弊革冗費丁
母憂歸從孫徵君遊以湯斌薦官少詹事旋乞休倡明
絕學興復嵩陽書院著有理學要旨中州道學編孝經
易知敬恕堂存稿卒配享百泉孫徵君祠

魏一鰲字蓮陸直隸清苑人以進士官泗州牧未久卽
歸究身心性命之學聞孫徵君倡道夏峯負笈從遊結

茅廬左柏鄉魏石生題曰雪亭輯北學編手自抄錄徵君遺文多先生所訂云

王餘佑字申之直隸獻縣人從孫徵君學於夏峯徵君歿歸五公山卽徵君故宅改建書院與同人講習其中自號五公山人河閒守王聘主獻陵書院多所成就卒配享百泉孫徵君祠

寓宦

明

李戴字仁夫號對泉延津人隆慶戊辰進士厯官吏部尙書太子太保贈少保萬厯末寄籍於輝寓資村里

南社祀延津鄉賢載府志名臣明史有傳

李 載字道夫號後泉戴之弟廕生歷官雲南鶴慶府知府隨兄寄籍於輝

郭 湄字原仲新鄉人萬歷乙未進士歷官禮部右侍郎贈尙書寓百泉有涵暉園讀書遺跡祀新鄉鄉賢

郭 浣字季昭號孟諸湄之弟萬歷庚戌進士歷官陝西布政司參政寓孟莊墓孟莊東原祀新鄉鄉賢

國朝

孟 元字善長祥符人貢生歷任江南江寧府知府興利除弊政蹟蔚然子二人長明台官知縣次明輔官大司馬公謙抑自處以終養歸慕百泉山水遂家於輝寓資村里南社祀祥符鄉賢

孟明台字汝爲祥符人選貢湖南龍陽縣知縣

孟明輔字汝翼明台之弟崇禎庚辰進士官兵部尙書

王家琛字仲玉直隸容城人山西五寨守備寓輝縣

王紫綬字金章號蓼航祥符人李自成決河灌大梁抱

一木浮出寓於輝崇禎壬午舉人順治丙戌進士官翰

林中允將母歸里二十年轉任江西副使值吳逆之變

贛南屬邑盡陷土寇蠡起餉道不通內變將作鎮撫相

繼歿公於萬難之中保全鎮定賑救安民饋餉亦達有

功不伐讓善不居詳載贛南去思碑隍浙江參政告歸

杜門興建社學遠近之士翕然從遊所著有知思堂集

倚廬詩選柿菴詩選輿近園詩選嵩遊吟

郭遇熙字駿臣新鄉人康熙己未進士廣東從化縣知縣陞刑部主事寓輝縣祀新鄉鄉賢

朱鼎銘字孟玉直隸宛平人衛輝府通判陞開封府同知寓輝縣

黃文煒字飛幟江南歙縣人幼補博士弟子員援例捐知縣康熙四十五年至輝愛百泉之勝因家焉赴部銓選揀發陝西辦理巴里坤西藏軍需勞績最著途次遇口外貿易歸者六人攜貲三千餘金時瘟疫流行六人相繼歿於道文煒將其衣服銀兩各爲封記詳註鄉貫姓名寄貯蘭州庫內行文各地方著家屬照數領回楊公文乾曰擊其事深爲嘆賞代損同知楊任廣東中丞

復特疏薦由韶州府知府歷陞廣東按察使多所平反
嗣因西路軍興改肅州參政道

高魁標字仙裴直隸滄州人歲貢生由教諭陞廣東澄
邁縣知縣歷任江南邳州知州康熙四十八年寓輝縣
王 贊字獻甫直隸新安人康熙戊午舉人廣東瓊山
縣知縣瓊無五穀公致種於瓊教之樹藝瓊人祀以爲
神著有蓮塘詩稿寓胡村里

柴 瑋字虹文山西太平人康熙庚子舉人廣東順德
縣知縣陞瓊州府海防同知又陞河南懷慶府江西南
康府知府寓北雲門里

徐天麒字讓甫浙江秀水人雍正甲辰進士由庶常遷

郎中出守建昌調慶陽入爲刑部員外郎寓輝縣舊志

孫魯字岱東江蘓江都人監生福建建寧府通判朱

一桂之亂贊勦軍務歷署巖疆功載平臺紀畧陞臺灣

府知府地震海溢設法拯救活十餘萬人調泉州汀州

整理鹽政歲省二十萬金商民感戴因積受潮濕養疾

來輝嗣分巡霸昌道以按察使遇缺卽用而公病卒囊

橐蕭然至無資斧遵化牧劉靖賻之始返葬於百泉

王寅字賓陽陽武人賢良方正齊河令夢麟子也雍

正巳酉舉人浙江海鹽縣知縣獲懸案首犯置諸法士

民感悅刊有武原輿頌遵父遺命來葬於輝遂家焉服

闋選安徽貴池縣代理池州府事旋以疾歸以上孟大炳採訪

姚 櫟字爽亭山東鉅野人陝西按察使學英長子北

城兵馬司正指揮寓石門四

姚樟字荷亭櫟之弟雲南按察使經歷

趙衍疇字叙倫延津人嘉慶己巳進士山東青城縣知

縣寓高村里

以上趙八元採訪

朱廷鍾字秀采江蘓海州人榮澤縣知縣以嫻於河務

由開封府中河通判陞祥河同知加知府銜慕百泉之

勝遂引疾歸寓胡家橋

王猷採訪

劉公戡曾有家難棄刑部主事入蘇門山從孫徵君者

逢著隱者服

見汪琬識小錄序漁洋山人曰蘇門行客劉公戡道里孤鍾元先生語

輝縣志卷十二

輝縣知縣黔筑周際華石藩纂修

列女志

貞婦

（周）

其姜衛世子其伯妻齊侯之女其伯早卒其姜守義父
母欲奪而嫁之其姜不從作柏舟之詩以自誓節之稱
於六經者此其首今縣治左有其姜臺相傳卽其守節
處或云墓在其下

（元）

時氏盧敬妻年二十四敬亡撫育幼子時祖姑年八十

軍系志

卷十二

列女

貞婦

一

二

餘氏奉養不怠至大三年旌

趙氏陳克敬妻敬卒氏誓不他適奉養舅姑堅守婦道
至正十五年旌

〔明〕

呂氏義官張嶽妻年二十六夫亡撫孤成立分司本縣
履行旌獎享年八十有三

李氏生員王夢賚妻延津太僕寺卿李承選女夙嫺姆
訓年二十七夫亡無所出與弟婦陳同居撫孤姪事孀
姑勤苦不怠督學呂獎其門兵憲張嘉其節移文置田
以優贍之縣令呂孔良亦以布粟獎勵焉崇禎二年旌
陳氏生員王夢顯妻夫亡子方襁褓教子入庠事孀姑

以禮督學呂扁其門兵憲張移文置田以存恤焉

張氏夏文明妻年十八夫亡遺子七月誓將殉焉以子幼姑殘義不容遂乃忍死持家課子業儒爲邑庠生清操三十餘年督學超表其門

李氏校建才妻周藩紀善李斐女孫幼習書文頗知節義夫故撫二子三女晝夜紡績隣里不堪其苦言及適人則詈拒之苦孀三十餘載享年六十一歲司理獎之李氏陳力妻年二十三夫亡遺子陳王前方在襁褓氏教子業儒爲郡庠生道府縣屢給扁表其門

丁氏劉隣妻年二十九隣故二子長五歲次三歲善事翁姑終以禮葬撫二子承繼先業知縣劉玉以禮褒獎

郭氏生員張嵩妻夫死無子奉事舅姑誓不適人守節三十六年知縣劉玉以布粟獎勵

張氏監生蘓錦妻幼嫻詩禮性行端嚴年二十九夫死誓將殉焉以高堂垂白遺嗣呱呱義不容遂乃勤紡績理家務事姑生事葬祭咸遵禮法課子業儒爲邑庠生知縣高崙表其門

李氏孟忠妻年十五適忠四年忠故守孤紡績訓子入庠年踰六十本縣具申上司以禮褒獎

宋氏生員牛桃野妻夫亡子幼甘貧紡績課子入庠有司奉文表其門

石氏李良妻年二十六夫亡子甫七歲紡績以撫其子

語及適人卽號哭而拒之人稱其節

李氏校珙妻景泰二年年二十五珙故子方月餘誓無他志孀居二十八年

張氏主簿王澤妻澤任慶雲縣主簿明年卒於官氏年二十七子甫三歲千里之外扶夫柩携幼子歸葬於家守節六十六年

國朝

張氏郡庠生郭英之母守節撫孤俾克成立府縣表其門

李氏楊汝器繼妻年二十夫死前妻子甫四歲愛如己出紡績苦守四十餘載

崔氏郭英妻年二十五英死養孀姑撫孤幼三十餘年
教子永富入郡庠里黨稱其節

郭氏傅九德妻年二十五夫死家貧守志課子成名苦
節六十餘年

郭氏邑庠生武耀前妻耀前性僻無好合之樂平日督
郭者甚刻意怒而出之姑慰以開導其夫必使復還郭
奉姑命暫寓母家不幸姑歿在母家成服及夫病供湯
藥皆不令夫知夫死治家如初撫子師孟成立以拔貢
任冀州州判

孫氏生員王景堯妻年十九歸王四載夫故遺孤銳纔
數月撫之成立以貢生候選訓導康熙四十九年

旌

馬氏張師孔妻年十九適張五載夫故遺孤四歲氏事
前姑沉疴九載繼姑癩疾十五載訓子張恭中雍正丙
午副車任扶溝縣教諭孫峯望曾孫桂林俱爲邑庠廩
生乾隆二年

旌

楊氏生員王良卿妻乾隆七年

旌

劉氏舉人孫用霖妻年二十八夫故撫孤守節乾隆八
年

旌

軍系志

卷十二

列女

貞婦

四

孔氏鹿涇妻年十九夫故孝事孀姑教遺腹子聖基俾無失忠節公家聲後果舉孝廉氏猶及見之乾隆十年

旌

孫氏廩生郭憇妻徵君元孫女年二十夫故仰事俯育其子家英食餼邑庠乾隆十四年

旌

孫氏楊名杰妻年二十二夫故子女俱無取姪楊地爲嗣教訓入庠守節三十二年乾隆十五年

旌

李氏生員孫戩妻年十九歸戩翁姑早歿孝事祖翁姑夫病期以死殉夫曰死易耳宗祧爲重夫故氏年二十

七立嗣以延宗祧乾隆十五年

旌

馬氏王景達妻年十八夫故遺孤月餘撫養成立事繼姑以孝稱乾隆二十一年

旌

牛氏王銑妻年二十一于歸五載銑故遺孤天亡氏痛夫乏嗣取猶子曰湘承祧訓迪入庠乾隆二十二年

旌

張氏王屋黻妻年十八夫故孝翁姑撫幼子清操三十七年郡憲王表其門

王氏候選縣丞吳鼎宣妻年二十八而寡無子女翁旋

故家無一椽尺土依母家紡績以養姑姑歿葬祭盡禮
學憲張表其門

宋氏齊藩妻雍正三年邑令趙希濂表其門

楊氏郭際虞妻年十九適際虞五載夫故無子女養翁
姑守節三十年邑令趙表其門

孫氏周鳳翔妻歸周四年夫故姑亦繼歿翁患腿疾氏
奉湯藥唯謹撫遺腹子不幸早歿其媳何氏亦克守志
邑令王表其門合邑紳士式其間

楊氏生員馬宏祚妻善事翁姑年二十二夫故立嗣承
祧守節五十二年邑令徐表其門

楊氏張宏學之母邑令馬表其門

崔氏尙維妻年二十夫故子甫三歲氏奉事翁姑訓子
入邑庠邑令范表其門

張氏袁丕承妻年十八夫故子昭甫數月翁姑年近花
甲家貧如洗氏養老撫孤冰操四十餘年乾隆十四年
二月烈風之夜村中失火卧病在床人懼火及各徙家
資伊子昭先負氏外避又扳出其父靈柩不遑家計左
右兩隣俱焚其居獨無恙人謂母子節孝所感
賀氏生員趙銑妻年二十九夫故事姑勤謹姑卒葬祭
盡禮教子永清遊泮守節三十一年

郭氏廩生王元儒妻年十六于歸六載夫故撫姪景湯
承嗣以廩貢司訓永城守節四十六年

楊氏生員郭遂熙妻汲縣貢生楊其芳女年十九于歸
逾年夫故取姪培義爲嗣早舉茂才守節五十一年

張氏生員王廷彥妻年十九夫故取族姪常吉爲嗣復
勸翁娶妾生子廷杵甫一歲翁卒氏撫育兩世相繼遊
泮守節三十三年

朱氏紀連繼妻年二十七夫故紡績事翁姑撫前子如
已出守節五十年

朱氏邵省學妻 先賢康節先生三十代孫婦也年十
八歸邵十載夫故遺孤七歲家計凋零時值大荒餓莩
枕藉氏拮据營生撫子思文成立苦節四十餘年

紀氏監生馬光祚妻年十八歸馬三月夫亡事姑撫嗣

李氏杜澤周妻年二十七夫亡養姑教子

方氏李肇疆妻年二十九夫故家貧如洗紡績以事孀姑課子耽食餼

張氏王鎬妻年二十三而寡子曰漳甫六月家貧無依就養母家訓子遊泮

張氏陳耀明妻年二十七夫故一子二女赤貧如洗事病姑以孝聞守節五十餘年

鄭氏生員施駿妻年十八歸駿四載駿故甘貧守貞乾隆八年卒守節三十年

蕭氏劉景新妻年二十五夫故二子俱幼備歷辛苦教子贊爲邑庠生守節三十一年

張氏郭連章妻年二十九夫亡事姑盡道教遺腹子成立孀居三十八年卒

耿氏郭璉妻年二十五璉故甘貧守節撫孤成立

師氏任重妻年二十五夫故姑老子幼苦志事畜

宋氏王楫妻年二十夫故守節三十二年

郭氏生員孫燭妻年二十六夫故遺孤四歲以十指供朝夕饗飧不繼晏如也守節三十三年卒

趙氏蘓龍妻年二十五夫故子甫三歲備極艱辛

南氏周述周妻年二十七夫故苦志紡績教子成立守

節四十餘年

孫氏王質妻年二十夫故遺孤方數月事姑盡道教子

業儒

張氏陳廷樞妻年二十七夫故

家貧勤十指以養翁姑

翁姑歿鬻居室以葬煢煢五十一年

郭氏高日新妻年二十九夫故守節三十四年

張氏閻文玉妻年十九夫故撫孤守節六十六年

王氏王良臣妻年二十七夫故子甫六歲撫孤守志三

十一年

仝氏劉棟妻年二十二棟故撫週歲遺孤守節三十七

年

柴氏竇珍妻年二十五珍故子文華方八歲甘貧守志

楊氏郭英妻年一十四英故子景禹方一歲氏茹苦矢

通志

卷之七

列女

貞婦

九

志守節三十年

王氏李龍妻于歸五載夫故時年二十四撫三歲穉子

守節三十年

艾氏牛方妻年二十六夫故遺孤六歲甘貧守志

李氏王居敬妻年十六歸王年餘夫故孝事翁姑

陳氏路光玉妻年二十四夫故孝事翁姑慈育三子守

節五十一年

丁氏馬士英妻年十九于歸二載夫故取夫胞姪爲嗣

魏氏江采妻年二十七夫故家貧如洗姑年近花甲于

甬三齡氏勤女紅孝親課子其子如川食餼郡庠氏積

勞成病而卒年五十四

崔氏張峯期妻年二十夫故遺孤數月且失明苦節撫養

王氏陳天佑妻年二十二夫故育遺腹子苦節終身卒於乾隆十一年

周氏李淳妻年十九于歸三載淳故氏孝事祖姑撫育嗣子以上共五十人有司俱表其門以上舊志

王氏李延臘妻年十八適延臘八載夫亡子甫五歲奉姑教子孝慈兼盡守節三十四年乾隆四十七年

旌

李氏張鎮妻年十七適鎮六載夫亡生一子甫六月赤貧紡績奉姑畜幼守節三十二年乾隆五十四年

旌

劉氏張湜妻年十九適湜未及四載而夫亡仰事俯育
爲遺孤納監不幸又故苦無子媳教育嗣孫以延宗緒
守節四十五年乾隆五十七年

旌

袁氏崔光治妻年二十適光治二載姑病晝夜不寐諸
藥親嘗未一年而姑故未服闋而夫亡取姪樹傑爲子
不幸又天更取福元爲樹傑嗣守節三十三年乾隆五
十七年

旌

曹氏馬柱妻年十七適柱生女二歲而夫故翁姑年邁

夫弟年幼事翁姑撫夫弟育幼女數年翁姑俱故盡哀
盡禮復爲夫弟聘室因取夫弟之子三畏爲嗣守節三
十四年乾隆五十九年

旌

牛氏魏廷光妻年二十二適廷光六載夫亡子烈甫三
歲後子又故遺孫七歲氏撫養入成均守節二十八年
乾隆六十年

旌

陳氏張守福妻年十五于歸四載夫亡子一清甫三歲
次子甫一歲事孀姑畜幼子教子一清入邑庠守節三
十八年乾隆六十年

軍孫志

卷之二

列女 貞婦

七

旌

吳氏何培棕妻年十九適培棕五載生一女甫數月而姑與夫相繼病故取姪名揚爲子翁病奉事湯藥翁歿喪葬盡禮孝慈兼全守節三十四年道光元年

旌

宋氏李九思妻年十七適九思六載生子而夫故翁老子幼勸翁娶姑生一子翁姑俱亡克完喪禮守節三十八年道光元年

旌

郭氏鄭世傑妻年十八適世傑二載夫故遺腹生子三子重以女工撫弱女孤兒守節三十四年道光元年

旌

周氏宋孔惠妻年十六適孔惠十四載夫故子梅甫九歲後娶尚氏生子守謙不幸梅又故撫養孤孫爲之婚娶生子名超守節五十八年道光元年

旌

袁氏張少元妻年十七適少元夫亡子幼姑老以紡織奉姑教子守節二十六年道光元年

旌

趙氏張三樂妻年十六適三樂十載夫故生一女取堂弟三義之子杰承嗣守節三十三年道光元年

旌

緡縣志

卷十二

列女 貞婦

七

孫氏趙楷妻年十九適楷七載夫故子廷雋甫二歲氏教子成人守節三十九年道光元年

旌

徐氏施政妻年十七適政三載夫故孝親撫孤守節三十一年道光元年

旌

李氏牛員張雨金妻年二十二適雨金七載夫故子登達甫五歲躬親紡織訓子成人守節三十二年道光元年

旌

岳氏霍成妻年十八結褵十載夫故生一子守節四十

九年道光三年

旌

王氏趙思廉妻年十七于歸三日夫故守節二十六年

道光三年

旌

史氏胡泰蓮妻年十七于歸七載夫故遺腹生子致遠

弱冠遊泮守節三十一年道光十二年

旌

劉氏王文錦妻年十七適文錦六載夫故舅姑年高子

成麟尚幼祖孫相繼亡所取嗣子誌麟又沒復撫養孤

孫守節三十四年道光十二年

軍縣志

卷十二

列女 貞婦

三

旌
以上
縣卷

侯氏秦永康妻侯廷蘭女年十八于歸八載生一女夫
亡事舅姑倍加孝謹舅姑憐之爲取夫之堂姪爲嗣舅
姑卒子亦旋歿氏復教育孤孫列於庠序

李氏牛瑚妻生員李芮女年十七于歸兩月夫故氏無
所出取夫兄之子爲嗣又先氏而亡依其族孫以老

李氏監生王命伯繼室汲縣監生李荃女年二十二于
歸二載夫故氏欲投繯緣翁亡未葬姑老無依前子幼
弱乃斷髮毀容事親盡禮撫三世之孤兒俾能成立身
歷四世年逾八旬

劉氏廩生孫炯繼妻汲縣庠生劉元善女年十七于歸

七載夫故孝事三世舅姑撫前女如已出孤子在城南
七歲氏躬親教督爲名諸生孝行著聞乾隆六年 巡
撫雅表其門

裴氏張海妻裴光美女年十八于歸六載夫故子方四
歲誨之成立入邑庠貢成均族中敦義行者助之以貲
氏父母終繼嗣未定代營喪葬氏子其華歿孫猶幼穉
兩世撫孤

莊氏馬檻繼妻生員莊紹湯女年二十一于歸五載夫
故前室子方八歲氏子甫兩歲人不知其爲異母兄弟
也長子有室乃竭力以葬亡人孫入邑庠氏猶及見之
章氏張文妻章應元女年十七于歸四載夫故上有祖

姑及姑下無期功近族熒熒三世責在一身夫族弟張
魁髫年孤苦氏爲之娶妻魁生子允安氏取爲夫後兩
姑並卒竭力以葬祖孫父子之喪

張氏左日昕妻張國良女年二十于歸三載夫故遺孤
尙在襁褓翁姑老病氏孝敬翁姑教訓幼子其子又先
氏而卒數十年間艱苦備嘗

郭氏增生孫熒妻郭劍銘女年十八于歸五載夫故子
在浚方數月上奉孀姑下撫幼子讀書食餼

武氏王建基妻武旺女年十八于歸三載夫故依長姒
以居翁姑卒事繼姑尤孝謹奉繼姑命取夫兄次子華

峯爲嗣撫育一如所生

程氏監生王柵繼妻淮安府知府程懋女年二十于歸
四載夫故子方二齡氏絕食飲者六日念翁老子幼俯
仰須人翁卒持服六年人問之曰吾以代夫也教子甚
嚴常以克繼先志泣諭之子保曾由拔貢候選州判氏
猶見其成名

王氏李學禹妻王國相女年十八于歸十一載夫故事
姑益孝持家益勤念夫兄爲大宗以已之子爲兄後姑
卒附棺附槨無不合宜教育孤兒嚴而有法子東園早
遊庠序

郭氏蘓維賢妻郭全女年十九于歸五載夫故未有
子女翁姑繼亡營葬盡禮取姪自成爲夫嗣不異所生

篝燈課讀入學食餼完節三十九年而歿孫學山亦遊泮

郭氏魏菊妻郭嚴女年十七于歸四載夫故家計日窘
氏親操井臼紡績或至夜半得微貲市甘旨翁姑賴之
以終餘年翁姑相繼卒營葬盡禮取堂姪璞玉爲夫後
方氏生員王灝妻方良棟女年十九于歸九載夫故夫
臨歿時囑以似續無人勿徇名而徒死氏涕泣受命取
夫猶子爲嗣教育不異所生甫獲一孫嗣子又歿氏代
撫遺孤以存宗緒

王氏廩生張其藻繼妻王曰泰女年十九于歸六載夫
故子方礪祿僭寡嫂奉事翁姑其子旋歿翁姑及嫂並

歿氏撫育孤姪不異所生姪食餼於庠乃取姪孫步雲
使承夫嗣人稱爲一門雙節

崔氏余大有妻崔發亮女年十八于歸七載夫故姑哀
子弱姑又病故家無斗儲竭力營葬撫育孤子時以不
克成人爲憂及子九歲就傳歸農氏始病故

牛氏張錫圖妻監生牛美石女年十九于歸二載夫亡
時祖翁姑久染沉疴身親藥餌數年如一日翁姑病篤
祈天願以身代兩世親歿喪葬無不盡禮取姪爲夫嗣
撫育成立

宋氏郭岐妻宋志仁女年十七于歸氏夫未娶時腹有
痞疾久而不瘳擇吉婚娶而病日劇氏甫入門而夫病

已彌留矣未能行合卺禮而卒氏於夫初未識面也氏父等慮氏年幼氏正色曰吾生爲郭氏人死爲郭氏鬼能有他念乎事翁姑六年能得歡心翁姑卒氏營葬如禮取夫從堂姪汝昇爲嗣年方數歲氏身理家務積勞成疾竟以不起人咸哀之

孫氏王桂妻孫國金女年十六于歸十載夫亡事翁姑盡禮取夫姪爲嗣嗣子又亡氏亦遂歿清操苦節鄉里共稱

張氏恩貢徐鈞繼妻新鄉縣庠生張照符女年二十二于歸六載夫故氏本名家女讀曹大家所撰女論語卽知身體力行夫歿遺子二人未離襁褓氏念藐孤無託

必至上絕宗祧於是勵志撫孤爲子授室艱苦備嘗
劉氏左良卿妻劉文女年十九于歸四載夫亡養翁姑
始終盡禮取姪爲夫嗣撫育訓戒如已子

王氏生員張其茂繼妻王文俊女年二十一于歸八載
夫故舅姑衰老子僅三齡氏與娣同勵志撫孤舅姑歿
代夫營葬盡禮盡哀子坦入庠食餼

紀氏戴錕妻紀鈺女年十七于歸八載夫故未有子女
氏乃日夜禱神爲舅姑祈後甫二載姑果生男其姑旋
歿舅已六十餘家徒壁立呱呱者尙在襁褓氏下撫幼
弟竭力爲之授室上奉衰翁二十餘年舅以病卽世氏
亦以經營喪葬積勞而亡夫弟生子先爲立後

孫氏癸卯科舉人傅澄繼妻監生孫忻女年十九于歸
二載夫故上有孀姑年週花甲取夫弟之子鞠育以慰
高堂不幸嗣子旋殤孀姑屢病湯藥親嘗夜不假寐者
數年姑旣歿氏益焚獨夫堂弟瀾爲之立後以葬焉

郭氏王照藜妻郭堯女年二十一于歸五載夫故翁姑
在堂遺孤尙幼姑病氏禱於神願以身代姑病愈氏終
身不如葷酒夫卒時子鐘方週歲撫養成立教子有方
姑卒水漿不入口者七日以哀毀致疾先翁而亡

李氏宋鑑妻李作檜女年十六于歸一載夫亡誓死從
夫家人防守甚切志不得遂乃奉事翁姑取姪爲夫嗣
嗣子又亡氏竟賣志以歿姪守訓承嗣焉

楊氏生員張大章繼妻庠生楊名學女年二十三于歸
二載夫故氏幼承父教熟知列女傳舅歿夫弟蕩盡家
貲姑患癱症九年賴氏紡織奉養姑沒哀禮兼盡取夫
之族姪上承宗祀

秦氏張錦妻監生秦如金女年十八于歸結縭七載上
事繼姑以孝謹著夫病日夜籲天者一載有餘夫卒勺
水不入口誓以身殉其堂姒止之曰汝婦姑在堂藐孤
在抱汝安可全一已而遽死乎氏服其義事姑益加敬
謹撫孤倍極恩勤子書麟早入邑庠皆氏之義方所致
也

焦氏萬啟運妻焦源女年十九于歸十二載氏夫與姑

光緒三十三年
卷之二
相繼歿姑遺幼女四人皆依氏如母及繼姑卒氏以上
有衰翁下有幼子養親課子備極艱辛翁年七十五卧
病不起氏親奉湯藥翁卒盡哀盡禮甫踰年亦以積勞
而亡

趙氏生員孟秉乾妻汲縣蓬州吏目趙坤女年二十一
于歸七載夫故氏生子週歲而殤舅姑又歿夫兄秉堅
夫婦並卒遺幼子二人氏身兼教養督使成名取次姪
大斡爲夫後

段氏林蘊珍妻庠生段清傑女年十七于歸十二載夫
亡無子取夫兄次子鏞承祧翁姑繼歿盡禮盡哀子鏞
長入郡庠人皆謂氏之厚德所致

靳氏趙萬妻靳法堯女年十九于歸十載夫故所生三女半在襁褓家計赤貧夫兄及嫂又故嫂遺二子長天貴三歲次天申甫六月餘氏以已之幼女寄養他人乳天申爲夫嗣天貴亦賴以成立備嘗艱苦積勞而亡張氏從九品李寬妻張和女年十四于歸十三載夫亡翁姑先歿與孀孀同居始終敬事無少怨尤取姪爲夫嗣篝燈訓誨勤勞過甚竟致殞生遠近無不嗟惋孟氏徐九思妻武生孟大鵬女年十七于歸結縭七載其翁已逝姑老而染沉疴氏親湯藥不離左右者數年夫無子姑爲取堂姪慶餘爲嗣教訓一如所生艱苦備嘗竟先姑歿

郭氏李旺妻郭務本女年十七于歸九載夫故子甫三齡氏力勤績紡饗飧時或不給有隣人張姓者憫氏窮苦又素知氏能勤勞令氏攜幼子爲司炊爨氏所獲傭值盡供其姑朝夕費姑旣歿氏拮据爲子娶媳子媳亦孝敬能得氏之歡心今氏歿二十餘年其媳每一言及猶爲痛酸

楊氏趙楷先妻楊殿元女年十九于歸八載夫故氏以媳代子姑亡翁老孝敬愈加及翁病逝取夫弟之子卓承祀營葬盡禮

崔氏周立業繼室獲嘉縣署廣西賓州營參將崔士達女年二十于歸九載夫故孝事翁姑撫夫兄女如已女

及翁姑繼逝氏代夫兄取榮揚爲嗣承重氏子威揚教以義方亦入邑庠不幸又歿氏撫孫銘入成均

連氏郭啟秀妻連大順女年十五于歸十一載氏姑及繼姑俱卒夫亦病歿翁懼其身殉勉之曰吾年老又無次子汝若復死是速吾亡也氏因勸翁再娶冀生子以續宗祧翁卒其子尚幼氏乃擇近族爲夫立後

杜氏趙文遠妻杜永祿女年十七于歸六載夫故翁姑在堂姑知其有遺腹再三慰諭俟分娩以聽其志旣而生子成元不幸夭亡氏啼泣欲死賴夫兄勸慰許以次子趙坤嗣氏念翁姑衰暮誓志守節翁姑相繼歿氏與夫兄竭力營葬遠近傳頌

列女 貞婦

張氏吳進妻張繼曾女年二十于歸十載夫故孝事翁姑善訓子孫青年守節白首益堅

楊氏乙酉科拔貢孫鍵繼妻生員楊地女年二十于歸六載夫故撫前室所遺子女無異所生家貧丁衆紡織躬勤諸子得以成家孫曾林立嫁娶皆竭力經營

郭氏趙承先妻邑庠生郭清女年十七于歸結褵八載氏生一子其夫病故姑亦旋卒事衰翁愈竭誠敬翁卒盡禮營葬念夫兄爲大宗以已子卓嗣之卓生子又早逝僅遺一曾孫氏與孀嫂俱七旬有餘共撫之身歷四世備嘗艱辛

李氏趙廷弼妻李金女年十七于歸結褵十三載二女

俱幼氏夫與翁繼逝姑老而患廢疾氏竭誠奉養姑歿
喪葬盡禮撫育二女擇配名門取姪爲夫嗣

郎氏張情妻郎坤女年二十于歸六載夫故念翁姑年
邁奉事無人兼之乏嗣取夫兄之子文性爲子撫養成
立翁姑卒哀禮兼盡

王氏張玉新妻王進修女年十七于歸三載夫故氏無
所出取夫堂姪鏡爲嗣爲之完婚氏嘗自言曰家卽貧
猶可以舉祭有嗣子亦可以承祧未數月嗣子又歿孀
姑旣亡氏與孀媳周氏以針指營葬殮獨相依數十年
如一日人稱爲一門雙節

張氏韓金妻張洪有女年十九于歸七載夫亡子幼翁

姑年高氏奉養翁姑始終盡禮不幸子與婦又相繼亡
氏撫育孤孫熒熒無告艱苦備嘗

徐氏張成智妻徐有德女年二十一于歸六載氏夫與
翁先後卽世衰姑年逾六旬孤兒纔週歲氏仰事俯育
自受飢寒營葬盡禮

王氏郎進功妻王有女年十六于歸七載夫故翁姑年
老養生送死俱各盡禮取姪爲夫嗣教誨成立

杜氏莊統真繼妻杜以讚女年十七于歸十三載夫故
二子甫離襁褓家貧過甚氏仰事俯畜資紡績謀生翁
姑卒經營喪葬艱苦備嘗

羅氏孫平妻羅壽女年十八于歸十一載夫故翁姑多

病氏奉事湯藥益加勤謹子方四歲氏仰事俯育備歷艱辛及翁姑逝經營窀穸無不盡禮教子義方

楊氏董永福妻楊寶女年二十一于歸二載夫故舅姑亦相繼亡夫弟尙在髫齡賴氏竭力喪葬夫弟長又爲之娶妻生子取爲夫後撫之倍極恩勤孝慈兼盡實農家所僅見者

李氏侯天麒妻李法柱女年十九于歸二載夫故取夫兄子玉清爲嗣恩愛如所生翁姑卒哀禮兼盡

蘓氏李彭年妻蘓維新女年二十二于歸六載生子女各一其夫故姑年邁出入賴氏扶持子女尙在襁褓氏上盡孝養下撫遺孤備極艱辛姑歿經營喪葬盡哀盡

禮

劉氏王建輝繼室劉德女年二十四于歸三載夫故生
子甫六月念衰姑無人奉事幼子未離襁褓藉紡績以
供養姑卒後盡禮盡哀

牛氏梁珮妻監生牛士英女年十七于歸八載夫故上
有雙親遺孤尙在襁褓及其子娶妻不幸又故氏欲捐
軀賴親戚勸慰率子婦以守立孫以繼宗祧翁姑繼終
喪盡其禮前後數十年艱苦備嘗

王氏郡庠生何文富妻王有女年十九于歸七載夫故
誓將身殉忽自省曰吾以一死塞責是絕夫祀也卽亡
人亦不瞑目矣乃上事翁姑下撫幼女翁姑卒女入室

取夫兄次子爲嗣每自謂吾事已畢今而後待死而已
牛氏武生王廷芳妻牛志亮女年十九守歸三載夫故
生遺腹子王珠泉時翁已卒姑年邁奉事以禮斷髮毀
容勤紡織於夙夜丸熊畫荻教幼子以義方珠泉長入
邑庠少年老成皆氏之內訓所致

魏氏靳端成妻從九品魏進京次女年十七于歸結褵
四載嘗謂其夫曰凡人家娶媳無非欲其孝敬妾旣以
身歸君自當代夫奉事萱堂願無慮其夫聞之喜而不
寐姑見其相敬如賓乃曰吾家有佳兒今復有佳婦及
其夫故哭失聲繼以嘔血姑止之曰汝有遺腹產期將
近過慟恐傷氏不敢違姑言未逾月而產一男取名曰

光緒二十一年
卷一
華姑卒氏哭之慟聞者無不下淚喪葬之間哀禮兼盡
其子旋亦夭殤氏悲痛欲絕

崔氏生員王循妻崔玉女年二十于歸十載夫歿氏無
子欲身殉賴翁姑及夫弟勸止日久無可取繼翁姑常
爲氏慮而氏二十餘年未嘗言及後嗣翁卒夫弟有子
氏取以承祧

馬氏同融妻馬全德女年十九于歸三載止有一女夫
與翁姑相繼歿兄嫂亦歿且無子嗣氏取堂姪爲兄後
氏尙缺嗣而撫育教訓無異已子

趙氏侯殿魁妻趙廷喜女年十六于歸十一載夫故女
甫五歲子尙襁褓翁姑在堂姑先翁卒奉事繼姑無少

懈怠翁歿喪葬盡禮遺孤又殤取姪爲夫嗣教女成人
適配名門

王氏呂正心妻王榮長女年十八於歸八載夫故氏痛
哭不已死而復生者數次其孀姑哀號氏乃勸之曰年
老矣無過哀朝夕事勸使姑心慰其嫂自夫兄歿後雙
目失明氏以同病相憐更加撫恤且曰此弟敬兄之道
人謂其識大體命予就傳還家時親爲督課

王氏李植年妻生員王曰澄女年二十于歸六載夫故
子甫四齡上則潔滌澹以事高年下則本義方以教幼
子年踰五十如一日

王氏生員周文元繼妻武生王以任女年十九于歸十

載夫故翁姑衰老以婦職而兼子職前室所遺一女撫育教訓不異所生取姪大本爲夫嗣已入邑庠

關氏陳祥妻關祿女年二十三于歸六載夫故取夫堂兄之子爲嗣教訓端嚴其子至今能守母戒

施氏李方視繼妻施燧女年二十三于歸八載夫故上事繼姑勞而不怨前室遺一子愛如已出夫弟方聽敬之力持家計孤寡得免飢寒

何氏姚君璧妻何天福女年十九于歸七載夫故翁姑相繼卽世氏喪葬盡禮擇立子嗣以延宗祧

秦氏恩蔭生黃增旒次子黃鐘岐妻生員秦熙載女年十八于歸四載夫故未有子女致孝以事翁姑翁姑卒

事庶姑如姑取夫堂姪爲子外出不歸復撫育孤孫使承未嗣

龔氏費昭妻龔法舜女年十九于歸一載夫故氏爲農家婦而性極孝上有翁姑藐孤者甫週歲翁姑卒喪葬盡禮子又病故孫纔弱冠氏教以竭力耕田有無相通爲鄰里所敬服

黃氏劉玉堂妻黃鍾圮女年十九于歸四載夫故未有子女家又甚貧取夫弟之子爲嗣專理蠶桑以資家計以事孀姑

侯氏劉家淮妻侯得才女年十六于歸十載夫故翁姑亦歿事叔翁姑惟謹生子二齡亦殤叔翁姑卒盡禮盡

方集元
卷二十二
三
誠取夫堂弟家彥之子道行爲嗣早列鬻序

郭氏姬永昌妻郭峯女年二十于歸四載夫故終身不
衣文繡翁姑年老親滌穢器湯藥必嘗翁姑卒後善事
兄嫂撫姪輩如已出親族無力婚葬者典衣物爲助取
兄子隆業爲嗣敬師之豐尤人所難及

郭氏焦思敬妻郭思賢女年十九于歸六載夫故子女
俱無翁姑年邁事之惟謹遺腹子焦璽於是年八月生
翁姑卒鬻田營葬撫幼子恪守義方

崔氏宋克富妻崔祿女年十七于歸四載夫故翁姑在
堂竭力奉養姑五十九歲雙瞽氏倍加孝敬翁姑年皆
八十餘氏亦歲週花甲取嗣承祧節孝兩全

段氏張愔妻段成女年二十于歸五載夫故子女俱無
取夫兄次子忍性爲嗣愛如所生翁姑卒盡禮盡哀

郭氏生員周清源妻郭宗孔女年十九于歸十載夫故
氏截髮納棺孝養翁姑居家節儉翁姑相繼逝喪葬盡

禮

周氏張鏡妻周太女年十九于歸四月夫故誓以死殉
祖姑及姑泣諭之乃取夫兄之子廷相爲嗣年十歲而
殤氏愈孤苦祖姑卒孝養孀姑迄今三十餘年姑媳猶
相依爲命

張氏王繼興妻張有貴女年十七于歸十三載夫故子
方二歲翁姑年高氏紡績奉養翁姑卒喪葬盡禮子平

克紹先業孫男林立 以上道光十三年

旌

靳氏岳文義妻靳光煥女年十九于歸六載氏夫卧病
備極辛勤夫歿水漿不入口族親以翁姑年老奉事無
人爲勸始勉進飲食又數年翁卒繼姑治家甚嚴氏修
婦道能得其歡心姑病三年晝夜調護取夫兄文統之
子自修爲嗣經營窀穸備致妥善撫育嗣子教以義方
宗祧賴以不墜

李氏張淦妻李福元女年十九于歸三載夫故翁姑年
近古稀夫弟尙幼氏孝事二老撫育夫弟成立爲之娶
妻生子取以爲嗣不幸旋殤翁姑亦相繼逝復取近族

之孫爲嗣送死養生備極辛苦

丁氏崔亮妻丁廣泰女年十七于歸二載夫亡氏日夜號泣誓死以殉家人勸之弗聽翁姑諭曰與其兩亡何如一存以爲繼嗣地使爾夫死而不死乎氏乃曲體親心每逢夫忌終日輟食嗚咽流涕不令人知恐傷翁姑之心也終親之喪氏益孤子堂兄清嘉其志貞行潔爲之立嗣

史氏申復禮妻史義合女年十七于歸九載夫故翁姑在堂又無子嗣代夫奉養者十年翁姑旣歿取堂姪廷梅爲嗣訓子讀書得入黌序

范氏尙建埽妻范東侯女年十九于歸十載夫故撫幼

子成立家貧無養藉針黹度日者數十年

馬氏聶鑑妻馬玉琢女年十七于歸三月夫故姑慮其過幼氏泣曰余嘗怪世人之改適者上辱父母下負亡人甘自夷於禽獸今既有舅姑可事雖無所取嗣願相守以終身積勞過甚竟殞其生

秦氏牛溫妻秦昭女年十七于歸九載夫故其子尚幼翁已先逝姑猶在堂姑歿氏率子盡哀子又繼亡三孫俱幼賴氏撫養成人

李氏候選縣丞傅澧繼室監生李得仁女年二十于歸十載翁姑故每春秋祭祀盡誠盡禮常以不克生事爲恨事叔翁姑如翁姑處妯娌以和御奴婢以恩氏夫榮

病侍奉湯藥盡瘁者月餘天故絕粒數日時幼子居
方八齡誨以義方俾得成立

閻氏張起鵬妻閻育楷女年十八于歸十載夫病日夜
焚香祈天願以身代夫歿無子有幼姪榮氏躬勤撫育
時有淚痕及姪少長敦請嚴師俾克成立氏罕出中門
雖親故往來皆老嫗傳語至今猶守閨訓甚嚴 以上
道光十四年

社

徐氏秦方銘妻年二十二于歸九載夫故守節三十六
年嘉慶元年 學憲盧表其門

趙氏貞林妻年十六于歸四載夫故守節三十年嘉慶

二十年 學憲姚表其門

成氏張多慶妻年十九于歸四載夫故守節三十一年

道光元年 學憲盧表其門

周氏朱啟彥繼妻十八歲于歸一載夫故守節三十一

年道光九年 學憲吳表其門

蕭氏靳傑妻十七歲于歸八載夫故守節三十七年道

光九年 學憲吳表其門

吳氏郭體仁妻十九歲于歸五載夫故守節五十四年

道光十二年 學憲周表其門

朱氏張德安妻二十一歲于歸五載夫故守節四十三

年道光十二年 學憲周表其門

以上
縣卷

郭氏冀煦妻年二十五夫卒無子取族姪爲嗣守節三

十七年有司表其門

郭宗杭採訪

冀氏武生郭家義妻年二十三孀居道光三年署知縣

侯興霖表其門

黃汝雯採訪

趙氏范良桂妻年二十歸良桂二十五歲良桂故念翁

姑在堂取范所爲嗣不幸早亡撫愛幼孫恩勤倍至有

司表其門

王氏監生朱燮妻于歸後上事病姑晝夜侍側者八年

姑卒夫亦旋歿夫弟奕昭及氏子肇慶肇琦肇英俱在

髫齡家貧如洗氏教養兼施及夫弟登科仕至州牧長

子肇慶蜚聲太學次子肇琦食餼邑庠氏竟以積勞而

光緒二十二年
亡年六十一歲守節二十九
年有司表其門

郭氏朱肇英妻年二十四歸肇英九載夫故守節二十

一年有司表其門

以上縣卷

鄭氏周大章妻鄭名士女年十九于歸九載夫故舅亡

姑存守節五十五年現年八十一歲有司表其門

何先登宋

玉珩採訪

高氏周慎言妻夫歿三月生遺腹子廷選家貧守節養

子成人八十歲而歿

崔氏周永泰妻年二十五夫歿撫孤福臻成立事翁姑

盡禮姑歿翁娶繼室氏又事之孝七十九歲而歿

以上周十

圖採訪

蕭氏李麟年妻廩生蕭南國次女二十八歲夫故守節

三十三年

羅德全採訪

秦氏宋延妻年十五于歸十八歲夫故守節三十七年

張

其

周氏王允中妻年十九于歸二十三歲夫歿不數年翁

亦卽世姑年八十餘步履艱難氏背負出入衣被必身

親澣濯姑歿氏痛哭幾死取夫弟之子越爲嗣現年五

十三歲

黃氏王存榮妻存榮兄弟三人其仲兄夫婦早亡與長

兄分爨奉母徙魯家庄三年夫歿氏二十三歲姑以哭

子故失明氏含悲勸之越二年其長兄夫婦亦亡遺子

三女一俱幼氏收畜撫養訓姪務農內外無間言數年
姑歿氏取長兄三子爲已嗣次子爲仲兄嗣節孝雙清
鄉黨無不敬服者

以上崔全
元採訪

林氏劉建魁妻年二十八夫亡子甫六歲紡績育子現
年五十七歲

耿氏王福妻二十六歲夫亡氏勸翁納妾生子名祥祥
生子取爲嗣現年五十九歲

郝氏王俊妻二十六歲子歸半載夫亡既無子女之依
兼乏總功之戚氏孤苦自持現年六十七歲

殷氏張銳繼室二十三歲夫亡前室遺子女各一尚幼
氏撫如已出事翁姑甚謹守節二十五年而卒

劉氏袁上臺妻二十九歲夫歿無子取夫姪爲嗣現年五十一歲

張氏羅文炳繼室二十八歲夫亡子甫三歲撫之成立卒年五十九歲

王氏秦得福妻年二十八歲夫亡子佩文尙幼及娶媳生孫子又天殂氏撫遺孤三元已入武庠守節三十一
年現年五十八歲

以上羅緯書採訪

崔氏李蘭妻生員崔珪女年十九夫亡無子事姑甚孝取胞姪三元爲子撫育成立守節三十六年

施氏符映辰妻年十八于歸四載夫卒氏無所出家貧翁老二十餘年始取姪爲嗣又不幸早夭子婦他適僅

遺幼孫氏百計撫育年八十八歲無疾而終

賀氏崔珂妻監生賀德嘉女年二十珂捐館繼二伯兄
瑜之子仰儒爲嗣視如已出孀居五十七載

郭氏袁通妻年十八適袁二十七歲夫故守節五十四
年教養二子大文大武成立大武入庠氏年八十一歲
陳氏梁富妻年二十九守節子少亡率幼婦弱孫以居
孫夢旗名列成均苦節三十八年

王氏梁廷棋妻年二十夫歿孝事孀姑撫育幼子苦節
三十餘年教子夢旗名列成均現年五十一歲

崔氏王得才妻崔珂女年二十一守節生遺腹子九官
教養成立備歷艱難現年五十六歲

秦氏崔明妻年十五適明二十歲夫卒止生一女孝事翁姑勤十指以奉養取姪廣福爲嗣不異已出苦節三十餘年現年五十歲

秦氏鄭芝妻年十九于歸五載夫歿勤紡績以事翁姑子女尙幼教養成人艱苦備至守節三十二年現年五

十五歲

以上郭宗
杭採訪

楊氏郭作霖妻年十九于歸二十四歲夫故遺一子名燦氏教養成人

秦氏郭夢熊妻年二十于歸越二載夫歿孀居無子矢志守節現年三十六歲

王氏馬喜妻年十八于歸歲餘喜歿男女俱無孝舅姑

睦妯娌苦節四十餘年

郭氏李珩妻年十九夫歿僅一女既無伯叔亦鮮妯娌

翁歿事孀姑得其歡心守節三十餘年

以上郭烈採訪

尙氏翟楹妻年十九于歸二十一歲夫故守節三十一

年現年五十一歲

鹿氏翟永慶妻年十九于歸二十三歲夫故守節三十

四年現年五十六歲

以上和致中採訪

吉氏福建泰寧縣知縣王墉妻衛輝府通判吉佩琮女

氏爲陝西韓城縣人年十七于歸十一載夫故子女俱

無現年五十五歲守節二十八年

史緯經採訪

李氏任宗安妻年二十七夫故甘貧守節倍極艱辛因

夫無子取姪政爲嗣以延宗祧現年七十二歲

傳培稿採訪

徐氏郭宗杞妻年十七于歸四載夫卒誓不欲生因姑

慰諭矢志靡他孝事翁姑和睦妯娌躬紡績以佐家計

取姪文炳爲嗣一如已出甘貧苦節三十餘載現年五

十三歲

姚書林採訪

郭氏郝令府妻年二十八夫故勵志守節事翁姑以孝

待子姪以慈經理家務不辭勞苦現年七十七歲

王氏趙作舟妻年二十七夫故孝事孀姑撫育幼子備

極勤勞守節三十四年現年六十一歲

宋氏趙欽繼妻年二十八夫故哀毀絕食又念孀姑在

堂無人奉事爲子婚娶後終日泣血絕食以死

以上任文煥採訪

訪

楊氏郭家瑞妻歲貢楊省一女十九歲于歸四載僅生
二女夫故無子取夫弟子誦爲子八十四歲而卒守節
六十五年

郭氏楊埏妻生員郭美女十九歲于歸九載夫故子甫
彌月及子授室生孫旋卽病故氏撫弱孫成人八十四
歲而卒守節五十七年

以上郭
鈺採訪

郭氏王均妻早歲于歸生子甫數月均卽病故翁與繼
姑有愛女愛子氏一以和順處之教子鏡之已列郡庠

現年四十四歲守節二十五年

孟大炳
採訪

潘氏徐保書妻汲縣武舉潘世坦女年十八于歸七載

夫亡守節二十一年現年四十六歲

孫錕採訪

烈婦

明

孔氏袁濬妻年二十歲濬死無所出誓從夫死家人防閑甚切自恨弗獲同葬踰月縊死知縣劉玉表其墓正德元年旌

蔡氏連廷魁妻家素貧勤女工以助其乏無稍怨尤與他婦居聞敦義操行事欣慕不已纔涉戲鄙卽斂容若罔聞夫病百方祈禱旣彌留乃懸索枕次易衣潔體縊死邑令王自修爲文以祭之申其事於上憲

湯氏生員周文煒妻幼嫻姆教曲盡婦道崇禎五年年

荒盜起有數十人持刃入其家家人盡逃氏以姑年老
恐罹災傷獨扶姑冒險而走賊遇之欲傷其姑氏以身
翼之賊卽舍姑逼氏欲施凌辱氏大罵曰我周秀才妻
也肯爲狗彘輩所犯乎不屈而死邑令張克儉表以額
褒以詩獎以聯上蔡縣訓導朱子奇又祭以文周十圖
採訪
吳氏齊秀妻年十八歸秀秀故時年二十一當日歛畢
卽縊死於室遠近義之

馮氏襄城縣訓導張信妻與夫同死難子婦崔氏至孝
亦死於難襄人作詩以美之

崔氏生員張含樸妻張信之子婦從姑之任遇變而死

郭氏監生馬玉藻妻徽州府知府郭晉熙女年十九適玉藻玉藻故旣立嗣子決意殉節恐人誣嗣子以不孝乃歸母家曲白隱衷旋飲砒而死邑令馬弔奠贈以聯府憲表之額曰從容就義

李氏廕生王福吉妻年十七于歸二載吉故自縊以殉聞者哀之合邑紳士致祭於墓

楊氏韓世賢妻因王元圖姦未成羞忿自縊乾隆三十二年

旌

魏氏郭安妻因蔣年強姦未成羞忿自縊乾隆三十三年

旌

周氏崔珩妻因王路氏出言戲謔羞忿自縊嘉慶四年

旌

賀氏田景全妻因任中福調戲不從羞忿自縊嘉慶四

年

旌

趙氏郝文士妻因郭昌圖姦未成羞忿捐軀道光十一

年

旌

郭氏張天錫妻郭元吉女年二十于歸七載夫以廢學

死其父慟且恨薄殮訖欲露棺於郊垌氏慟踣數次盡

出嫁時衣請爲葬費翁不聽是夜姑寢熟氏自縊死兵部員外郎孟發祥表其墓茂才王瑞星爲之立石道光

十三年

旌

張氏馬香荷妻庠生張洙之妹年十八于歸兩月夫歿誓死以從家人防之嚴慟哭不食者累日舅姑強之食氏不敢違復詭言室多鼠耗請市砒以毒鼠舅姑知其意禁弗與氏故役防已者晝夜不容暇越旬日知其意甚縱使少休人睡旣熟乃從容自縊死道光十三年

旌

胡氏傅春槐妻胡容端女年十六于歸結褵四載孝事

舅姑夫病歿氏念已無所出立後爲先強自節情暫營葬事甫半月舅姑慮其年幼家又赤貧促令改適氏涕泣具餐退而縊死道光十三年

旌

張氏常四妻因殷祥向伊夫戲謔張氏聽聞羞忿自縊道光十三年

旌

栗氏林縣臨淇人適東沙壩張某滑匪入川時女歸母家賊至臨淇蹂躪慘殺甚於在川女與母將逃入山爲賊騎所及時女在前母在後賊奮戈將刺其母母伏地不能起氏望見急返覆母身上戈及其脇數賊又連刺

之項脇肩臂創七處女哀號求代母死賊棄之去女負創扶母欲逃不能賊絡繹於道者竟莫之顧母女幸不死或詢其被創時形狀女言爾時惟知有母究未悉賊之何如也卽刃及於身亦祇覺冷透肌骨耳

傳培梧採訪

李孀婦司寨村農李興妻無子嘉慶十八年滑匪之變入山避亂爲賊所獲拷問村民藏匿之處氏不對賊逼

以威大罵不絕遂遇害

任文煥採訪

王氏陳三畏妻年十七夫故家貧乏嗣孀居一載父受

他姓聘逼令改適自縊死

趙八元採訪

貞女

孫蘭姑廩生孫在浚女夏峯先生六世孫女許字秦氏

子未結褵而夫亡有張姓欲聘之女知之泣告其母曰
兒乃理學名家也敢不自勉乎退吞金粉死死之日異
香滿室道光十三年

旌

烈女

芒姐王玉女因陳貴良調戲羞忿自縊乾隆二十五年

旌

王景文因李黑圖姦未成羞忿自縊嘉慶十年

旌

陳明文因殷三強姦未成羞忿自縊道光十三年

旌

貞妾

明

趙氏監生吳思敬妾主婦性妬不能容使別適氏號泣歸宗僑居二載餘自繡菩薩一尊日夜祈禱願神默佑夫家悔悟庶得所歸聞翁喪仍持服盡哀時或寄衣履於夫復懇親戚通其意願執箕箒操井臼斃於吳門無所憾夫家堅拒不納其父乃訟於府斷令改適氏自傷生不逢辰夜縊死於母家太守王天爵爲買棺致祭令歸葬於吳

國朝

趙氏吳維振妾年二十七家長故奉家長母撫所生子

守節三十六年乾隆四十三年

旌

李氏河南府訓導孟淳側室氏年二十七從家長於任所家長卒所生子亦天氏扶柩歸葬苦志自安事嫡長朝夕承順數十年無間言守節六十一年

劉氏河南府訓導孟淳側室從家長於任所家長卒氏惟一女未幾病殤扶柩歸事嫡長小心承順守節五十四年

崔氏生員周之俊妾家長亡子方幼冲奉事家長父母及主婦始終盡禮教子入庠子歿後氏撫育四孫至於成立

夏氏夏福女年十六爲監生鄧文明側室文明故氏年二十三性謹訥寡言笑事嫡長敬而無失每日雞鳴卽起人定方息五十年如一日文明遺孤佩璠尚未週歲有勸氏改適者氏太息曰我去則子之存亡未可知脫有他故是我絕鄧氏之祀也志卒不奪撫佩璠成立守節四十八年 以上道光十三年

姓

陳氏監生張湖側室家長歿遺幼孤三人夜勤紡織課子甚嚴長子其遽入太學次子其萃入郡庠守節三十一年現年六十一歲有司表其門

補遺

李氏儒童冀克明妻夫歿子殤家貧如洗氏以針黹養親始終盡禮守節三十九年而卒署縣令湯以志凜冰霜表其門

李氏醫學訓科劉光賓繼室夫故家貧力勤紡織事舅姑盡孝撫子女極慈現已守節四十五年署縣令湯以操室金石表其門

縣志卷上

輝縣志卷十三

輝縣知縣黔筑周際華石藩纂修

經籍志

魏

嵇中散集十卷嵇康撰明黃省曾編次

晉

山公啟事十卷山濤撰見唐書藝文志及宋晁公武讀

書志今佚

山濤集九卷山濤撰見隋書經籍志今佚

向秀集二卷莊子注二十卷俱向秀撰見隋書經籍志

注今佚

宋

正聲正字正音三十篇邵古撰見宋史邵雍傳

皇極經世書六十卷擊壤集二十卷俱邵雍撰見宋史
本傳

聞見錄二十卷易學辨惑一卷皇極系述觀物內外篇
解河南集俱邵雍子伯溫撰

聞見後錄三十卷伯溫子邵博撰

元

湛然居士集十四卷耶律楚材撰集中詩多文少惟末
二卷有書序碑記與詩雜編其詩不甚修詞然多理趣
雙溪醉飲集八卷楚材子耶律鑄撰其書考證古蹟綜

述舊聞足繼家學

魯齋遺書八卷許衡撰具載小學直說大學要畧中庸直解讀易私言以及語錄奏疏詩文雜著巨細不遺頗爲詳備

牧菴文集三十六卷姚燧撰見永樂大典燧學出許衡而文實過之雄深雅健綽有古風其碑誌尤足補史乘之闕有元一代之巨手也

秋澗集王惲撰其著書四種皆編入集中可資考證
鹿菴文集王磐撰見元史本傳

〔明〕

百泉志書院志二書皆不詳作者姓氏舊志載其書名

今佚

執齋文集二十卷劉玉撰見明史本傳

菜竹園集郭涓撰

宦草郭澣撰皆敘其理治荊州及備兵天津之事賀景
瞻先生序以行世稱其一言一議論一字一精神其一
生事業具見於此

易學引端二卷郭天祿撰酌諸家之解但用其一說取
其淺顯易明使學者推類以盡其餘止有上下經各一
卷其繫辭傳說卦序卦雜卦皆缺

蘭亭文集四卷秦衛周撰詩文各二卷其文多曠達詩
亦蕭然塵外王蓼航先生序以行世

國朝

理學宗傳二十六卷孫奇逢撰敘古今理學之統以周子兩程子張子邵子朱子陸子靜薛文清王陽明羅念菴顧涇陽十一子爲正宗其餘自漢至明諸儒或但採其傳或兼錄其語以備參證其生平精力具見於此四書近指孫奇逢撰於四書要領通論大旨閒引先儒之說以證異同其講論以學爲主而歸本於窮則勵行達則經世共二十卷

讀易大旨五卷孫奇逢撰皆其讀易有得錄示門人之語其說皆切近人事發明義理末附兼山堂問答別爲一卷

書經近指六卷孫奇逢撰其說以天爲主揖遜征誅皆所以奉天立義正大辭亦簡明

中州人物考孫奇逢撰書凡七科以理學爲首載曹月川等十九人行實今惟存理學一卷餘俱佚公又有畿輔人物考今亦佚

夏峯集十二卷孫奇逢撰皆生平所著詩文湯潛菴爲之序後附語錄二卷序有云先生於道慎擇而約守之發爲文章皆躬行心得之餘未嘗有新奇可喜由其說而持循之人人可以寡過多有前儒所未發者

孝友堂家規一卷前載家禮後載家訓皆日用之要答問一卷遊譜一卷曰譜取節錄家禮酌高陽述聞蘓門

紀事嵩遊日記兩大案錄歲寒居問答俱孫奇逢撰
俊傑傳隱逸傳俱郭士標撰俊傑載張子房等八人隱
逸載周茂叔等七人各著事實孫徵君序以行世
宿好錄郭士標撰

微言秘旨尹爾韜撰韜爲宋儒尹彥明之後與孫徵君
爲友僑寓蘓門以山水自娛生平精於琴所訂微言秘
旨載有徵君夏峯歌七首

宏齋集十二卷孫立雅撰

醫學宗傳三十卷孫奏雅撰

得閒人集孫望雅撰

約齋文集約齋詩集俱孫博雅撰

周易淺義四卷耿極撰本其師孫鍾元之說而推衍之以淺顯爲本使學者易於尋求故名曰淺義閒附已見皆有可取

王制管窺一卷耿極撰其說以封建井田爲可行於後世設爲問答共一十九條後附唐貞觀諸臣封建議

古本大學釋言古本中庸釋言存誠集俱耿極撰今皆散佚

知咫堂文集八卷王紫綬撰宣城劉易序以行世稱其學通古今知周萬物辭旨暢達自成一家其生平忠孝大節保障偉績經世之材卓越之品莫不於文中見之斯亦一代之人文也

知咫堂詩集二卷王紫綬撰毛會侯先生序以行世稱其掩薄風騷驅策魏晉出入於初盛之際無境不臻無體不擅後附擬古樂府一卷寓意古體抒寫情懷頗合詩人美刺之旨

輿近園詩選二卷王紫綬撰係告假奉母時所著孫徵君爲之序

倚廬詩選柿菴詩選嵩遊吟俱王紫綬撰

守贛實紀一卷王郊撰紀其父紫綬守贛之事

臨海集王郊撰前載各體詩後附詩餘

西江載石集二卷王椿撰

杞菊園詩選王椿撰

大隱園文集六卷冀應熊撰文四卷詩二卷

平寇輯畧安瀾吟俱冀應熊撰皆紀其爲嘉興海防同知平寇之事

泰徵錄冀應熊撰

省園集孟發祥撰

蠹魚草清涼散讀書筆錄俱馬爾楹撰

西齋文集郭遇熙撰屈大均序以行世稱其斟酌古今老成練達皆具精識偉畫可以行之久遠後附詩集涉園詩稿一卷李炘撰子景新刊以行世

四書醒義八卷孫淦撰前五卷淦自著自孟子戴不勝章以後三卷係淦子用正補編

擔峯文集六卷擔峯詩集四卷遊記四卷俱孫詮撰

蓮塘詩稿王贊撰

澹餘齋文集依椿堂詩集南溪雜詠俱孟晟撰

嶺雲集康節二十五世孫邵履嘉居輝時所撰

四書註朱趙希濂撰

四書意逆郭箴銘撰

問遊日記孫雨生撰

皇極經世圖說二卷李元良撰

榮槿堂文集何莫學齋詩集冷署閒抄俱周煇撰

古稀堂雜錄四卷郭峻撰峻年七十餘好學不倦雜錄

古今故實原委經史同異可資考辨

身世金丹集活幼心法要訣俱郭宗林撰

省心錄共城從政 嘉蔭堂詩鈔俱周際華撰

音韻原始郭汝昇撰

皇朝詩世圖編二卷李永貞撰

國朝日知錄附錄

國書意徵存錄

國書精華錄

國書精華錄二十五世終際華撰

國書精華錄外密雲書集函錄

國書精華錄王

國書精華錄六卷

